

GENLATNA leh ZILLAI SIAMTU KIPAKPINA

K.S.P, 55th Annual Session - 2013 kum ah Piting Sunday School Zillai - 2014 a ding in **KORINTH LEKHATHAWT PAKHATNA** zil dingin lemsak ahia. A Hilchianna bu siam dingin Rev. H.L. Vena (Sadar Bialtu Pastor) guat in a um ah, aman le guat ah a um na ngaikhawk in a bu ah tuni hun ah suadaw thei ah a um tak ziakin ama chung in kipakthu ka gen hi.

Ahinla, buaina khenhat ziakin ahun tak ah a BU ah kisua daw theilo hi da um a kisa'n, Kochuam ten Pathian min ah la ngaithiam nau ka hun dawn ahi.

Kochuam ten a lawk thei pen ah mang di'n kisingsa'i tiu in, chung Pathian in zia Zillai Bu hi mangcha'n a thu laigil te hethiam thei di'n hun malzawl chiat ta hen.



REV. (THANGLIANMANG)
Executive Secretary,
Khuga Sadar Presbytery, (KSP).

CONTENTS

| ZILLAI | THUPI | PEK NO. |
|--|--|----------------|
| 1. Korinth mite kiang ah Sawlchak Paul lekhathaw taklatna leh thumapui. | Pg. - 04 | |
| 2. Korinth Kochuam chu bang ti gual Kochuam. | Pg. - 11 | |
| 3. Chibai bukna leh kipakthu genna 4. Kochuam sunga kipawl khenna leh Khristian pilna 5. Kross apat thupha Korinth mite leh kingaitawmna suan um | Pg. - 23 Pg. - 25 Pg. - 28 | |
| 6. Paul chu a kisuanglel hi 7. Pilna dik leh diklo (Thagau thil chu thagau mie kiang ah). | Pg. - 31 Pg. - 33 | |
| 8. Pathian nasep pi te et di dan 9. Zawntat leh Thanghuai zilngaina 10. Ginglotte thutanna(Court) ah gingtute va kiheklo ding | Pg. - 35 Pg. - 37 Pg. - 40 | |
| 11. Taksa chu Pathian chawihawina ding ahidan leh Numei leh Pawsal thanhuaina a khawk dan. | Pg. - 41 | |
| 12. Kichenna thu 13. Nupan hin di dan leh Zinei nailote ziltilna 14. Milim hona thil kilan te leh kithawina sanek thu 15. Nasemtu chu Law mu ding ahi 16. Hunlem chang leh nasepna lopi 17. Israel te khangthu apat hilna leh Sacrament thu ah hilna | Pg. - 42 Pg. - 44 Pg. - 46 Pg. - 48 Pg. - 50 Pg. - 52 | |
| 18. Khristian zalenna chu chintawk(limit) um ahi. | Pg. - 54 | |

Gingtu masate chun kihiat chiantuana dingin(password) ‘Mara-natha’ hi ala mat sek uh chu ahi.

Genkhawm di :

Genthei panpina thawlawm hi kochuam tin tusang ah ha bawl zawk a poimaw em?



**SUNDAY SCHOOL SUBJECT SIAMNA LEKHABU
ETTAWN TE :-**

1. *William Barclay : Letter to the Corinthians*
2. *Jerome Biblical Commentary.*
3. *Dummelow Commentary.*
4. *What the Bible is all about.*
- Billy Graham Association Publication.
5. *New Bible Dictionary.*
6. *Korinth khatna : Rev. Lalsawma.*

- | | |
|--|--|
| 19. Biak inn kikhawpna numei te um dingdan kilawm.Pg. - 55 | |
| 20. Hepina Luaithe dan diklo leh Sacrament Lalpa Zan-ann thu ah ziltilna.Pg. - 57 | |
| 21. Thagau thilpiak te leh khrista ah ki pumkhatna.Pg. - 59 | |
| 22. Hepina La.Pg. - 60 | |
| 23. Pathian biakna dik leh diklo te gasua te leh abawl di dan uh agen piakna.Pg. - 63 | |
| 24. Khristian thawkitna thugin.Pg. - 65 | |
| 25. Kochuam khat ah umte um di dan.Pg. - 67. | |

Sunday School Subject siamna lekhabu ettawn te.....Pg. - 69.



Bang la kichawk diam? Ahilo leh bang gual in mi la panpi diam?
ti hi dawtna poimaw ahi zing hi.

Juda sakhua ziltilna thugil chu miphia hina suklat na phapen chu
'Thilthawn piak' ahi atiu hi khristian te ziltilna poimaw le ahi tho hi.

Stephanus, Fortunatus leh Achaius te apat Korinth kochuam chanchin ala hetziakin a kipak mama hi. Stephenus chu Kochuam ah a nasepna ziakin za-um kham a ting hi. A nasepna ziaka za di, a hausat ziak leh a thiamma ziak hilo in a tina ahi. Chun, Aquila leh pricilla te nupan hi Rom Lalpen a nawdaw himaleh a chenna taphawt ua, a inn uh chu kochuam ten biak-inn ah amat zing sek uh ahi. Kochuam ten Biak-inn hawitak tak leh lian tak tak anei zaw nailo ziak uh le hintin, himaleh mi kipezo leh huangphal chu ahiu hi.

Appolo Korinth Kochuam ah a chia nawplona hi ama min ah Pawl khat kiminvua a um ua, zia te chu a dawidan kituak keilo ahia, korinth in va chia taleh, kochuam buaina chu sosang zaw sem thei ahiziakin, thagau lam ah piting lungput anei ziakin Korinth apat a ki kawikang zaw hidin ginchak ahi.

Ch. 20 'Kichawp thiangtho in ki chibai un' ati hi kingainat et-sakna chu ahi. Lekhaziak minthang Cyril of Jerusalem kitipa chun, zia kichawpna thiangtho ah ki chibai ti hi, a hilchianna ah chun, Numei leh Pawsal hilo in, Pawsal leh Pawsal, Numei leh Numei ki biang chawp sek ahi zawu hi atia. A bang chu hitaleh, khristian kochuam masate chun zia hi ala bawl sek uh ahi ti chu ginchak thei ahi. Gingtu masate chindan hi tulai kochuam in vang i bawl talo chu ahi mai hi.

Thumal khenkhat khawvel ah khristian tamtak ten amau pau gual chiat ah apawmlut uh chu khenkhat a um ah, ziate chu : 'Halleluijah' 'Amen' leh 'Maranatha' ti te ahi. Maranatha hi ale dawna te Bible sut(version) chuam apat vak en hitiu.

Authorised leh Revised version : " I Lalpa'u chu ahung tai".

Version chuam khenkhat in : "Lalpa chu anai hi".

Revised standard version : "Aw Lalpa hung tan".

Genkhawm ding :

1. Mithi than apat hungtho kit dingte taksa put ding dan chungaidan genkhawm hileh.
 2. Mithi thawkitna tawh Upa ten mi kizilkit ala tisek uh kha a kibatlon a gel khawm hileh.
-

Zillai - 25.

Thupi : Kochuam khat ah umte um di dan

Bible Simdi : 1Kor. 16:1-12

Changvawp : 1Kor. 16:13, 14..

Bung 15 ah thagau lam thugil poimaw tak tak te buaipi ah a um zel lai in, lei kochuam taksa lam thil thute buaipi khamlo ah gel mai leh kilawm chu ahi. Himaleh, maktak mai lei taksa kochuam te um di dan chu ahun gelhawk mama ziang ah, bung 16 na hi dinmun sang tak apat dinmun niampen gelhawkna Pathian mizia chu ahi. Etsakna : (Isaiah 40:28,20) buktua in.

I. Jerusalem ah kialthuakte(nektasam) kochuam kithuapina Pathian genthei thawlawm a dawlseh uh ahi. Zia thawlawm chun Kochuam mun chuam ah umte kipumkhat na leh kilungsiatna etsakna ahi.

II. I Bible ah a diakin Thuthunghak Thawlawm piak di dan ei hilte khenkhat chu :- (i) Piakna chung ah belap(extra collection). I piak dingzat bituk chu piak zaw nung ah piak belapna ti thei ahi. (Matthai 5:47), (ii) Lungthim in a phal dan dan ah piak(a free gift freely given). Pathian apat thil thawn piak chu i lungthim in ei phutdan dungzui ah piak(1Korinth 16) ah a piak dingzat uh a tep piak lo gual in. (iii) Huangphalna ziak ah piak 2Korinth 8:4; 9:13 bangzat ka khawlchuam thei diam? ti sang in bang zat ka pedawk thei diam ti hi ala hizaw ahi. (iv) Neinung(hausatna) apat piak theina(2Korinth 8:20) Paul in chu ama mimai hausatna hi a gelhawk pen hilo in, bang gual in ka pedawk thei diam? ti a lunggel pi pen chu ahi. Mi hausa hile chin,----

Korinth Lekhathawt HILCHIANGA**Zillai - 1**

Korinth mite kiang ah Sawlchak Paul lekhathaw taklatna leh thumapui.

Changvawp : 1 Kor. 1:5,6.

Taklatna leh Thumapui : 'Lalpa' ahem 'Pathian' ti hi a bu sung in atam mama hi. Zia chun Jesu khrista chu i Lalpa ahidan a thiltup pen ahiziak ahi. Korinth Kochuam in 'Lalpa' chu lalpen ah anei theilo ziakun alak ua thubuai atam in, 'Lalpa' ahiloleh 'Pathian' hi a chungnungen, apoimaw pen ah anei theina ding uh chu a thiltup chu ahi. Rom lekhathawt i zil nau ah ginna ziaka Pathian hepina lut ah i dindet thu mu ahi(Rom 5:2). Zia dinmun apat in bangkim ah i hung hausat zel ua, khrista chu bangkim ah bangkim ah nei kawm ah(1:5) khristian um didan hi tukum Sunday sikul ah zilding i hiu hi.

Korinth Khawpi Chanchin :

Korinth Khawpi tuanthu ah a thupi dan leh gitlona a huaisiat dan vak enkhawm hitiu. Khawpi upatak kumzabi 4na B.C vel a kipat ala um in, Greece lalgam in ala um hi. Galdona ah matchak thupi, Lawnglian tak takte ahun siamdawna mun ahi ti ah hiat ahi. 146 B.C kum in Rom sepai General Lucius Mummius in dozo in huaise takin a suseta ahi. Maleh, a khawvel leipek umna hi a poimaw bek ziakin B.C 46 in Rom Lal lopi Julius Caesar in Korinth khawpi chu atung ding kit hi. Zia apat chun Thuthunghak hun lai tiang in Rom Lalgam ah um in, Akaia state(gambung) ah um in khawpi minthang tak ahita ahi. Mediterranean tuipi gawlekna mun ah Korinth khawpi um ahia, a gam tuisuagiat ah kithunlut chu a vailam mel 4vel bep ahi. Lawnglian leh Lawngneu kingakna munpi poimaw tak ahi. Greece gam sim-leh-mal kikawmtuana lemchang pen chu ahi kit hi. Mediterranean gamkai ah cheng zosia te kikawmtuana lemchang pen leh doitelpen chu Korinth

kawpi ahi. Khualzinna Lawngneu khenkhat chu Korinth gam a vailam mel 4 bep ah gamla chu sawn galkai in, alangkhat lam ah tuipi ah chun a kipan kit sek ui. Chun, Lawnglian sum dawnnate chun le Korinth kawpi hi velkual ngai di ahiziakin, avan puakteu chu Korinth ah suatha sek in alangkhat lam ah Lawng dang in a tawl sek ui. A lam chawm bep hilou in, Korinth palthenglo ah Lawng ah kalsuan chu lau-um tak ahi. Cape Malea atina mun uh chu Mediterranean tuipi ah mun lau umpen ah a genna mun uh chu haw malam tei ngai ahiziak ahi. Rom Government in poimaw asak kawpi ahi kit ah. Rom sepai pension te umkhawmna mun poimaw ahi kit hi. A government inle a ngaisan mama mite chenkhawm ahi ban in, chitin-namtin umna ahi kit hi. Chun sumdawng mite a dinga mun poimaw leh lemchang ahiziakin sum dawnna lam ah thupi mama ziang, kawpi ahi kit hi. Korinth kawpi poimaw dan gen ualna khat chun, Greece gam ding ah Leilawn (The Bridge of Greece) poimaw le ala ti hial ui. A vanglai tak ah chun, khawvel ah sumkawl veina lam ah a hausapen ala hizo hi. Korinth chu Akaia gambung(state) ah um iti ta, Korinth tawh kinaicha um Athen kawpi lian a um kit ah, Akaia state sung ma ahi. Korinth tawh bangkim ah kikawpvai thei kawpi ahi kit hi. Khawvel kigualsiakna 'Olympic' iti hile, Athen kawpi apat hung piang ahi. Korinth kawpi ah hinle kigualsiakna Olympic gual ah thupi zolo maleh, Olympic a panina a timai sek uh agam-gawlgek min ah (Isthmus game) ati sek uh chun le Korinth hi a su minthang mama hi. Sawlchak Paul hunlai ah hin, Korinth hausatna chu a nasa, mite chun gualnawp leh zalenna, chun taksa nawpchenna'n hun a mang zing mai uh ahi. Chun, thiamzilna giltak(School of Philosophy) lam inle Korinth chu a minthang zo hi. Korinth kawpi chu a umna ziak le hintin lopi di leh minthang ding mawng ah siamdan ah gel pawl le cum hi.

Taksa lam ah Korinth lopina leh minthanna i taklat te hi hunsak phawt hitin, tuhin khristian ziltilna tawh kituak lo kei ah a gitlo dan, amin siat dan te vak zilkhawm nalai hiti.

Adam ah mi zosia thina hung um leh khrista ah mi zosia suk hin di thu ziltilna mu ahi.

Vaihawmna, Lalna, Thuneina ti te hi Ephesa 6:12 'Vanmun ah thagau gilo thimlal thuneina a genna chu ahi.

Ch. 29-34 : 'A thisate thasang Baptisma chan' kua hem khat baptisma chang manlo in thita leh vangam a luttheina din, ziate thasang ah a damlai khenkhat chu mithite min ah chun baptis a chang sek ui. Zia gual bawldan hi Kochuam te chun tulai i bawl talo uh ahi.

'Paula chu Ephesa khua sahang tawh kisualsak' ti hi abang atina ahi ? Thugosia pakhat ah chun Paul chu Sakei tawh kisualsak a guau in maleh sahang chu Paul chu alau maman, amei khup zulzul in, a kisel sel ziang hi tile a um ah. Chun, Sawlchak Paul hi Rome mi-leh-sa dinmun sangtak nei ahiziakin, Sahang tawh kisualsak ngam talo zen in au ti ngaidan det tak nei le a um ah. Paul in Sahang tawh kisual ah a ki genna hi thim lal kulpi leh a sepai hang te do ah chanchinpha a puanzakna hi a hizaw ahi ti ah ngaidan siamle a um ui.

Ch. 35-49 : Thawkitna taksa chu muat theilo taksa hintin, tu damsung ah i taksa put te hi chu muatthei taksa ahi. Lei taksa hilo in van taksa chu ahi mithi thawkitna taksa put di dan chu.

Ch. 50-58 : "Thuguk" ati hi thu kiselgu leh ipguk lam hilo 'Thupha mantam' tina ahi zawi.

'Ipmu khel puai tiu' Jesu hungkitna ding tung vak bek ta ding ah a ginchak ziakin, khenkhat te tekthi man puai tiu a tina dan ahi.

'Pengkul Nu-nungpen' khawvel tawp puanlatna chu ahi.

'Mitphet kal bep ah sukdang i hi thei dan' Pathian thilhitheina'n a um hi.

'Gu' ati hi, gulgu hatpen le a gu lakdaw ahiphat leh lau umtalo ahi gual in thina huaisia tak chu le a gu chu zawna'n a thatzaw phat leh bangmalo mai hita ding ahi.

Suklin zawlo dingin dettak ah dingin, taima tak ah nasem, la sep gim nau chu thawn lo hial di ahi, ti ah tilkho in thawkitna thu hi a sutawp ahi.

Zillai - 24.

Thupi : Khristian thawkitna thugin

Bible Simdi : 15: 1-58.

Changvawp : 15:19, 20.

Khristian thugin te lak ah pawimaw pen, Mithi te taksa ah thokit ding ahiu, ti poimaw tak mai chu tu i zillai ah hin zil ding i hiu hi.

Ch. 1-2 : Chanchinpha pawm ah dindetna leh hukdam hina thu a taklang hi.

Ch. 3-4 : Khrista chu thizo ah, taksa a thawkitna hi chanchinpha lai mugil ahina chu a taklat ahi.

Ch. 5-8 : Khrista a thawkit zaw ah Peter leh nungzui 12 te kiang ah a kilakna leh mi 500 te kiang ah a kilakna leh Jakob kiang ah a kilakna leh Paula kiang ngei ah le a kilakna chu a taklang hi.

Ch. 8-11 : "Ahunlo ah piang" ti hi Paul ama mimawna pian bu-kimlona a genna ahi maithei, ahiloleh kiginlawkna neucha te umlo ah Damaska khaw kiang ah a pianthak phut ziangna a genna le a hithei.

Pathian in a guatna vang ama lunggel in a phulo dawisakna kipak um talua in a gel ahi.

Chun, Pathian min ziak ah haksatna a tuak te chu midang te tilkho theina dingin a gen sumsial ngailo ahi tile muthei ahi.

Ch. 12-19 : Mithi thawkitna gingchalo te di'n khrista thawkitna le ginchak haksa'n tin, khristian thugin pumpi hile zuau vek himai di ahi. Zia thu hi khrista thawkitna gingcha maleh mihing zosia hi thokit dinga gingcha zolote kianga a gen chu ahi. I changvawp hi a umzia hi dinga ginchat pen chu ahileh, 'Zia khawvel damsung ahi, ei uh khrista ah um(Khristian te hawn) tu hun a ding bep ah kinepna nei i hiu chun, lungsiat umpen hi ding i hiu hi. Thinung hinkhua ding geldawk a kul mama hi.

"Thawkitna mapuitu" khrista chu mithi thawkitna mapuitu ahung hita ahi.

Greek pau ah 'Korinthiazesthai' ti hi Korinth te hindan a hing tina ahi. Amin 'Korinth ti mai hile Zu-leh-Sa, Numei-Pawsal hukna lam genna guala ala matsek dan uh ahi. Korinth gam gawlgekna mun ah chun mual pakhat Acropolis kiti a chun biak-buk Aphrodite(lungsiatna pathian nu) a um ah, zia lungsiatna pathian nu (goddess of love) biak-buk nasemtu thiampi(Priestess) 1000vel a um ah, zia te chu zan phat leh khawpi sunga hung kumsuk sek in ahung kizuak sek ua. Sakhua ding kizuakte(sacred prostitutes) ti ahiu hi. Taksa nawp chenna a bawl nasat ziak un, Greek pau kilena khat chun 'Mizosian vang Korinth khawpi vakhual zin ding a zo puau hi' ala ti hial ui. Korinth ti thumal ziang hile, hausat-nawptatna, khambuaina, zawntatna genna gual in mat ahi hial ta ahi. 'Korinth khua pawsal ta phawt khamlo ah um ngailo' ala ti hialsek ui. Zudu mama khawpi chu hiding ahiu. Zia te hi hezing in Bung 6:9-11 i sim leh 'nanghaw lak ah khenkhat le zia gual mi la hisek ui' ati piak tawp hi. Ziaziaka hin, Presbyterian Kochuam lekhaziak minthang Rev. Lalsawm chun, Korinth khua Pathian Kochuam sawlchak Paul in ati hile kilawmlo leh nuizat um ahina tiang le a um hi, ala ti hial hi. Thuthungthak Kochuam te laka a etkawl hakpen le hiding chu ahi. Himaleh, thagau thiangtho ah pawsal pha Paul in zia tawh bang ah a veinat ziang hile a hiding mawng chu ahi kit hi. Thanhuaina leh khambuaina ah le huaise tak ahi. Sumkawlvei na ah le sangtak ahiziakin sum-leh-pai senso atam ziakin "Korinth khawpi khualzin ding in mi zosia atin zo puai" ala ti sek ui. A khawpi sunga hin Juda mi sakhuwa ngaisak tak Korinth gitlon in atakbuak zawlo le a um kit tho hi. Korinth khawpi ahin chanchinpha thaichi hi phu hin zaw ahi chun a gam kimvel tiang ah hung gasua ding ahiziakin sawlchak Paul inle thagau veinatna tawh theitawp in thapi a seng ahi.

SAWLCHAK PAUL LEH KORINTH KIZAWPNA :

Paula Missionary khualzin ani veina chun Asia minor gam chuam chuam a fan zaw in Troas khua ahung tung ta. Ama mimal dawidan leh utdan mai ah umlo in, Pathian thagau thiangtho in agen khawkna

Iam chu zuan in ahun amang hi. Bithunia gam ah Pathian thugen di chu thagau in phallo in zan in Paul kanga kilakna(vision) ahungtung ah “Makedonia iam hung galkai unla, ei hung panpiu in” zia kouna guala chun a kalsuan tau hi(Sn. 16:9.10). Zia hi sapgam(Europe) ah Pathian thu lutna masapen ahi ta ahi. Makedonia apat simlam zuan in, Akaia gam ah hunglut in, Athen khawpi ah nasepna a neizaw in Korinth khua ahunglut tai(Sn. 18:1). Paula chu Aquila leh Priscila te nupan Juda mi Lengpen Claudius in Rom khawpi apat a nawdaw te kiang in a zintung ah. A nasep uh puan Puanbuk siam ahi, Paula thiam iam tak nasepna ahiziakin amau nupan tawh kithua in, kivakna ding ah puanbuk siam kawmin Pathian thugen tawh thua zel kawm in hun a mang hi. Paula Korinth ah kumkhat leh a kim(Tha 18) a cham ah, a khualzinna a cham sawt napen, Ephesi tilo ah ahi. Ephesi ah kum ni a chamthu mu ahi. (Sn. 18:1-17) Judeate kikhawpna Synogogue(Sinagog) ah lawting takin Pathian thu a gen sek hi. Timothy leh Silas Mekedonia gam ah a nutsia te ahung tunsuk phat in a nasepna chu a hatzaw sem ah. Judeate'n nasatak ah ahun dodal ziak un a thugen na mun nutsia a ngai ta, a zintunna inn le sangin Justus inn ah atung zawta. Paul in gingthak Korinth Kochuam ah a siamte lak ah mi poimaw khat chu Crispus ahi. Ama hi Synogogue ah vahawmtu ahi, chun Paul nasepna hi mi vantang lak ah le lawting tak ahi. Chun, AD 52 kum in Governor thak Galio kiti khat Rom Government in ahun sawl ah. Ama chu mi ngainat um leh mi zaidam tak ahi, a nunnen na chu judeaten Paul suksiatna dinga lemchang ah gel in leh vaipaw thak ahina te chu lemchang ah gel in, Paula chu thutan khum din a ang in ahun pui ua. “Zia pa hin ka Dan uh tawh kituak lo in a ziltil hi” ti'n ahun heksia tau hi. Vangphat umtak in, Galio chun a limsak pua, tichun Paula missionary nasepna chu sem buting thei in Syria iam in a kichawn thei ta ahi. Paul Korinth a nasepna lawtinna chu kikhawpna a matsek uh, Crispus leh a innsung mite'n hrusta ahun ginphat un, mipi tamtak ten le ahun ging tau in. Baptisma a chang sau sau tau hi. Paul chun kilakna(vision)

Ch. 6-12 : Pau hiatlo chu a neilote dinga a phatchuamlo ziakin Biak-inn ah mipi Biakna kikhawp ah mun poimaw pen piaklo pha asa ahi. Hiatsakna, Hiatna, Thuhil leh Zilsak ti te hi thugen theina apat pawt ahi, a poimaw chu ahi.

Ch. 13-19 : Pau hiatlo chu mimal leh Pathian kipawlina'n a poimaw ah Biak-inn mipi kikhawp khawmna hun ah chun poimaw pen chu chilo hial ahi.

“Aman Juda pau ah ‘Hi-e’ ti ah lemtipina puandawna chu ahi”.

Bung 12:1 : Thagau thilpiak leh a umzia Korinth Kochuam in Paul genchian dinga a ngeknau chu Bung 14 ahin a genchianna chu ahi.

“Naupang lo in Piting zaw un” tin a hilchian phawt hi.

(i). Pau hiatlo ah thugen ding chu mi Pathum(3) tiang a phalpiak ah, zia chule khatvei thu pathum hilo in aban-ban ah a kithak thaw ding uh ahi. Zia chule Pathian biakna kikhawpna khat sunga ti ahi. Chun thugentu le Pathum tiang, Biakna kikhawp khat sunga ti ahi nalai hi. Chun, Pau hiatlo biakna kikhawp ah atun phat leh hilchiantu, pau hiatlo genchian thei ding a um ding ahi, ti hi Paula dawidan chu ahi. Kikhawpna ah ginglote ahung pan tiang unle buai nei-nuai ah a gello ding ua kikhawpna feltak chu guanggal zing ding chu Paula dawidan chu ahi. Chun Numei in kikhawpna thugen ding chu a phallo ahi.

Ch. 34,35 : Chun, chang 34, 38 hi chu, mi dangin a ziak belap uh Paula khutsuak hilo dinga gingcha, Bible thiam tamtak a um uh ahi. Numei Pathian thu agen ding Paul in a phallouna thu hi geldan khat ah, Korinth numeite dingin a phalpua, maleh zia chu Kochuam thugin ding a zik hilo in, Kochuam khat ah thiltung leh hunbi khat ding ah poimaw alo theilo, tuhun nang leh kei hun tiang huap pha dinga zik hilo ah gel tamtak a um hi.

Genkhawm ding :

Mipi kikhawpna(Biak-inn) ah Numei ten Pathian thugen sak hi a poimaw ta ahem? Poimaw nailo....

Zillai - 23.

Thupi : Pathian biakna dik leh diklo te gasua te leh abawl di dan uh agen piakna

Bible Simdi : 14: 1-40.

Changvawp : 14:1.

I Kochuam hi ‘Pau hiatlo’ ah malzin keilo kochuam chu i hi. Revival in a vethak sek Kochuam i hizing thei hile kipak umtak ahi. ‘Pau hiatlo’ i ti hi Greek thumal ‘Glossai’ apat lakdaw ahi ‘Lei’ tina ahi. ‘Glossa’ ti in mat ahi deopen ah ‘Leite’ tina ahi. Pau hiatlo thu ah Paul ngaidan zilkhawm di ihiu hi. Thagau ah dutuina ziak ah pau hiatlo hi hung umsek chu ahi. Pau hiatlo leh thagau thilpiak chuam chuam te chungchang ah Paul in a dawidan te chu :-

(i). Biak-inn ah kikhawm mipi zosia’n a phatchuam pi thei dingua thagau thilpiak pau hiatlo chu matchak guat di ahi. Mipite Biak-inn ah kikhawmte phatchuam pi theilo chu apha zolo ahi zawi.

(ii). Pau hiatlo sangin thugen theina hi a hoizaw ahi. Pau hiatlo mimal in anei chu Kochuam in a phatchuampi zo pua, mimal Pathian pawlina bep ahiziakin, thugen theina vang Kochuam in a phatchuam pi sek hi.

(iii). Thagau nasepna a hatbek ziakin, “Ka kisum zo puai” ti te hi chu Paula dawidan leh ngaidan ahi puai. Pathian thugenna chawk buai ding khawp hial ah thagau chang ti te chu a dawidan ahilo ahi. A bung sung hi a change mekgawm in vak en ta lehin:

Ch. 1-5 : Hepina chu delzui zel ding a tilkho ah thagau thilpiak te pau hiatlo nei sangin thugen theina a poimaw zawk dan a taklang hi. Thugenna apat chun siamphatna tilkhona leh thamuannate a um ziakin a phazaw ahi. Maleh Paul in, Pau hiatlo chu Kochuam miten a lengua anei uh a dawisak hi. Biak-inn kikhawpna matchak khel khel di hilo maleh, thagau chang milimte en kawlthiam pen chu Sawlchak Paul hi hingeい di ahi.

a nei kit in “Laulo in hil zel in, zia khua hin mi tamtak ka nei” atia. Korinth Kochuam te chu Jentel mi a tamzaw ahiu in, mimawl tamzaw deu leu a kilawm hi(1:26). Mawl maleu thagau nasepna dawng in a lim mamau in, thagau thilpiak le a dawng tam ui. Paul in ‘Khrista zal ah zalenna’ thu agen vang chu a pawm thiam un, a limpi khawp mai ui. A lim ua, a thanuam ua, umdan hun tiang helo in a mawk palzap ziang uh le a bang hi.

PAUL LEH KORINTH KITHU HIATNA : Bible thiam te suidan in AD 55 ah Paula Ephesi khua a um pet in, Korinth Kochuam buai thu a hiat ziakin lekha a thawt ahi, ti ahi. Korinth lekhathawt, tu i nei gual uh hi kilemtua fello ah hiat ahi. Lemtuaklo ah hiat ahina ziakte chu zia gual hi ahi. AD 90 tiang in Paul lekhathawt chawmkhawm kimbep ala hia. Kochuam tamtak ah chun lekhathawt halkhat-khat po ala um, zia te chu lakhawm in lemtuak ahia. Zia ahal khenkhat muzawlo le um thei ding ah ginchak ahi nalai hi. Tuhin zia thu hi vak enzui nalai hi tiu :

i). Korinth lekhathawt pakhatna sanga masa zaw lekha thawt a um ngei hi. I Kor. 5:9 ah Paul in, “Ka lekhathawt ah mi thanghuaite tawh kivawplo di’n ka hun hiltā’n” zia hin lekhathawt masazaw a um hi tina ahi. Mi thiamte chun zia lekhathawt chu muzawlo hita dinga gingcha le aum hi. Khenkhat in (II Kor. 6:14-7:1) hi lekhathawt masa chu hiding in a gingcha’u hi. Paul in a thugen tawh le kizawi tuak hi. (II Kor. 6:13-7:2) tiang i sim masak leh a thu chiadan in hung kizawm zel in hung navak thei in a um hi. Mithiam te chun, zia i taklat hi ‘Lekhathawt masa’ ti’n a kawi sek ui. A bul til in, tu i nei gual in a bung leh a chang ti ah khen hilo ahi. Lekhathawt tak(Original letters) ah chun a bung-a chang a um puai; abung ah khen patna chu kum zabi 13 na a hi bep in, a chang ah khen patna chu kum zabi 16na ahi bep hi. A thu chiadan leh a bung-a chang ah lemtuak khawm hile haksaw tak ahi.

ii). - (a). Korinth buaina chanchin hi Kloi innkuwan te apat in ahia (I Kor. 1:11) kinialna ziaka Kochuam buaithu ahi. -

(b). Lekhathawt pawtu pathum te -Stephenas, Fortunatus leh Akaikas te apat le Korinth chanchin a hiat belap zel hi (I Kor. 16:17). Korinth Kochuam te chun le a buai nateu chungchang ah Paula lekhathawt in a gen navak piak di'n ngekna anei uh ahi. (I Kor. 7:1) A dawnhuna dingin Paul in Korinth thawt khatna hi ziakin, Timothy a puaksak hithei ahi (I Kor. 4:17).

iii). Zia a lekhathawt chun gapha sualo in, a buai zaw sem tau in, zia hi taklat hilo maleh, Paul inle va kantha hial hi dingin ginckak ahi. A ziak chu (II Kor. 13:1,2) thumvei a chia chun a niveina chu um ngei ding tina ahiziakin. Sawlchakte nasep ah imu dan inle Korinth hi khatvei bep va chia dan in a gen ah. Maleh, Ephesi apat ni 2/3 bep ah tun thei ahiziakin Paul in Korinth Kochuam chu a buaina ziak ua va kantha ngei hi ding in ginckak ahi.

iv). Taksa ngei va kantha maleh, gapha sua diaklo in buai zaw sem hi dingin ginckak ahi. Paul inle a puaknat bek ziakin lekhathawt huaisetak (Severe letter) lunggimna nasatak leh mitthi tamtak seng in lekhathawt a ziak hi (II Kor. 7:8). Zia lekhathawt huaise tak kit hi Korinth thawt khatna chu ahi puai ti a kichian hi. A ziak chu, lunggim tak pum ah zik hi dinga ginckak thei ding a um pua. Amavang II Korinth ah zia gual thil chu a um hi, II Kor. 10-13 i et leh lekhathawt huaise tak ti thei dingin a um hi. Mitthiam te chun Korinth panina 10-13 hi lunggim na lekhathawt/lekhathawt huasia(severe letter) chu hi dingin a pawm ui. A suizui zel nau ah chun (II Kor. 2:4; 7:8) "Mitthi tamtak sengin lunggim leh thavai taka ka ziak ahi kha" atia. Zia thawt khatna hi et in zia gual lawm ah huaise tak zik ahi dingdan chu gel thei ahipua. Amavang, (II Kor. 12-13) hi i sim leh abung masa lamte tawh le kizawitawn beklo a paukam mat dante le khautak leh natak ahi ziakin, zia te hi lekhathawt huasia(severe letters) chu hi ding ahi atiu in. Zia lekha chu Tita a puaksak le hina.

v). Zia lekha hi a thawt zaw in, Paul chu um mai mai thei diaklo in a lungkham pi zing ah. Titus in thu ahun puak ziangle ngak zolo in

Hepina diktak chu khawimun inle a tawi melse ngai puai. Hepina chu ama mawpuakna bepcha a buaipi ngaipua, midang mawpuakna ahu in a dawnzangkhai sek hi. A lungnat ziak ah tawi melsia puai. Lungnatna a thunun(control) zo hi tina ahi pen hi.

Bangkim a thuak mialsuak sek hi ati leh thildang tamtak a gen belap te hi gensawn ngailo gual in gel mai hiti. Gingtu te dinga thil poimaw pathum(3) Ginna, Kinepna leh Hepina te lak ah a chungnung pen chu HEPINA hi ahi zing ahi.

Gelkhawm ding :-

Ginna, Thudikna, Kinepna te haw chunga Hepina ahi dan gen-khawm hileh..



a um sek hi. Hepina ah kibulphu lo ki pumpiak na chule Pathian mit in a thupi diak lo ahi. Hepina chun a dawthei ah ti hi hun leh phat thu hilo in miham i kibatpi chung thawk hatna leh zaidawna ahi. Dawtheina thu ahilchian na ah chun, Chrysotum in kua hem khat bawlsiat ah umta, phuba la thei ding dinmun pha leh lopina neita himaleh ama bawlsete chung ah phuba him him la lo ah um tina gual ahi, ati ahi.

'Hepina chun a ngilnei in' ti hi, hepina chu mi zosia di'n a thum ahi tina gual ahi. Khristian ziltilda chu pha mama leh le, khristian te chun ngilneina a nei diaklo chun a phatchuamna umlo gual ah gen ahi.

'Hepina chun a thangzia pua'n'; I neizaw lo midang in ahun nei uh leh thangsiat lo ding kipakpi zawk ding chu khristian lungput di dan chu ahi. Ei ma'n i nei zawlo man ah midang nei ding chule thangzia, sukchatvai piak nawpna lungput chu thangzia chu ahi. I nei khaklo leh i nei zawlo midang in a nei chu enle dawilo mai di ti chu a hithei pua, dawina leh enna chu mihing i pianpi ahiziakin maleh thangsiatna lungthim midang vangsiatna ding tiang lungput vang hepina apat pawt ahilo ahi.

Hepina chu a kipakcha puan, a kisathei puai; Hepina chun thilthawn piak bang gual pedawk maleh petam kisa lo in, thil lopi bawl dawk zolo gual in a kigel zing ahi. Kiletsakna anei ngailo ahi. Missionary lopi William Carey chu pauchuam chuam 34 set ah Bible pumpi hilo maleh ala letdawk zo ahi. Amin a kithang ah mi ngainat ahita ahi. Khatvei chu ama suzakcha nuam mikhat in, Pu Carey nang hi Missionary lopitak la hi masang in Kengtawdap siam in a pang sek hi, zia chu anu leh a pate leh a innsung mite annek hawlna chu ahi, atiu hilo ahem maw? ti in mipi tamtak an nekkhawmna khat in ahun tita phut ah. Ahinla, William Carey chun "Kengtawdap siamtu hileng uh phading ahia, Shoes Company hizaw lo in, asia khuiphat tu mai mai(Cobbler) ka hizaw nalai hi" tin a dawnhu ahi. Zia chu dawtna siam ah suk zachat gawpa chu ale mualpho zaw ta ahi ti ahi.

ava vaidawn dingin a kipan dawk ah. Makedonia gam ah va kimupi in bangkim phatak cha a umdan thu a hiat in kipak takzet in Phillipi ah chawldam in (II Kor. 1-9) kilemna lekha hi ziakin a thawt kit hi di'n ginckak ahi. Paul in Kochuam masate a gelkhawk dan hi Korinth lekhathawt ah a kichian pen ah. Kochuam a puaknat dan leh a kipak nasat dante mu in, Belampu phatak ahidan leh a belamte haksatna leh buainate a gelkhawk dante haw apat in puitu lopitak ahina a lang hi.



Zillai - 2**Changvawp : 1:16.****KORINTH KOCHUAM CHU BANG TI GUAL
KOCHUAM.**

Athubul patna(1:4-9) te hi sim in Korinth Kochuam chu hingtak leh thanuam tak ahi dan mu ahi. A bu pumpi et in Korinth Kochuam buaina te hile a thatnawp takluat ziak uh hileh a kilawm hi. A dutui bek ziak un etkawl le haksa tak ahi tuak ui. A pawl-pawl in a kikhen ua, zia chule a dutuina ziak uh hi ding ahi. Pilna lem ah Pathian thu chiapi pawl, thagau zalenna lam ah Pathian thu chiapi pawl, thagau thilpiak thu ah kinial na te, mithi thawkitna thu ah kinialna te leh a dang dang te hi, Pathian thu dutui taka a sui pei ziak ua hung kipan in alang hi. Kochuam dutui zolo, thanuam zolo te zia gual khawp ah buaipi ngailo maithei ahi.

(a). Kochuam kilung guallo : A kilung guallo bek ziak un, Korinth Kochuam chu (Divided Church) tin hiat ahi sek hi. Paul chun le, zia hi a ngaikhawk pen kikhenna lungthim hi ahi. Kikhen thiang kei ah Biakinn chuam ah kikhawm chiat hinai puanau. Maleh, lawitum siamna'n hun a mang ua, amau lawitum ki hiatna di'n lawi upate min a mangcha nalai ua, a khawk diak nalai hi. "Kei Paula lam ah pang, kei Appolo lam ah pang, kei Kipha/Peter lam ah pang" ti'n a kichotua sek nalai uh ahi. Zia hi Greek te Political Party System Kochuam sung ah laklut khak khawk mama ziang chu ahi.

Paula-Pawl : kiti te chiapi dan chu chanchinpha ziaka zalenna chu ual in, Dan thupiak te apat khristian te navakna chu a ual pen ahi maithei.

Appolo-Pawl : Amau haw chun Pilna leh thiamna lam ah Pathian thu chiapi ding ti ahimai thei. Greek pilna(Philosophy) mangcha chanchinpha thugil suidaw guat hi a chiapi dan uh ahi maithei hi.

Gelkhawm di te:

I. Thagau thilpiak mantam leh lopi mama ki gente hi, Ual bik, ngaisan diak nei ziaka Kochuam ah kikhenna um thei te genkhawm hileh..

II. Kochuam kithutuakna hi poimaw pen ah i Zillai apat imu chu ahi maleh Pathian dawidanlo gual ah Kochuam kithutuak mama ziang a um thei diam?

Zillai - 22.**Thupi : Hepina La****Bible Simdi : 13: 1-13.****Changvawp : 13:13**

Kchristian tamtak te din Bible pumpi ah bung tamtak te lak ah a thupi chu ahi. I thupi ah chun 'Hepina La' ti in i kawi ah 'Hymn of love' ti apat i lakdaw ahi. Pathian pakna chu 'Hymn' ahi diak hi. Pathian pakna dinga La kiphuak tile hin a umzia kichian diak ding ahi. I dam-sung pumpi le i buaipi zawlo ding khawp Hepina La hoi mama ziang chu ahi.

I. Hepina ah kiphudet lo thugen thiamna leh awgit hoite chu vaikhut bet gual ah gi, mangthai kit kawm tawh a tekhin hi.

II. Ginna ziang hile a thupi pen gual in um maleh Hepina ah kiphudet lo chu huaise tak ahi chang a um sek hi. Ginna thupi tak nei male hin hepina neilo chun mi a suliam in a suna thei ahi.

III. Thawlawm leh thilpiak dang dang ah misang ah petam zaw zing himaleh hin, hepina neilo ah thilpiak chu chapona leh Uanna ahingdawk sek ah alau umna a um sek hi.

IV. Kipumpiakna hile hepina panglo ah bawl ahi chun, minthan nawpna leh kithupi sakna Pathian in ahuat mama thil chu a hithei kit hi. Minthang ding dawina ah ama leh ama ki hallum ah thi le i gam inle

Zillai - 21.

Thupi : Thagau thilpiak te leh khrista ah ki pumkhatna

Bible Simdi : IKor. 12: 1-31.

Changvawp : Chang 12.

Kochuam mite kiang ah thilpiak leh sepdan tamtak piak ah umte hi a petu chu thagau pakhat ahi. Thilpiak tamtak lak ah apha pen chu Hepina ahi.

(Ch. 1-3) Thagau thilpiak bang gual hiziang leh le, a tena phapen chu “Jesu chu Lalpa ahi” ti ahi ding ahi. Lalpa chawihawi theilo thagau thilpiak chu bang hiziang leh le a diklo ahi.

(Ch. 4-6) Pa leh Chapa leh Thagau Thiangtho(Trinity) thu mu ahi. Kochuam mi chuam chuam tam maleh Pathian pakhat hochiat ahiu.

(Ch. 7-11) Midang in a phatchuampi thei dinga thagau thilpiak te chu piak ahi. Eima mimal phatchuam pi ding bep hilo in, Kochuam mipiten a phatchuam pi ding ua piak ahi sek hi. Thagau thilpiak chu kihuppi thei ding ahi puai. Thagau thilpiak te chu : Pilnate, Hiatnate, Ginna te, Hidam theina te, thilmak hithei nate, Pau chi chuamchuam(Pau hiatlote) pau hetlo hilchet theina te a pesek hi.

(Ch. 14na) Apostlol te, Thugentu te, Mihil te, Thilmak bawl te, Hidam thei te, Panpi theina te, Vaihawm theinate, Pauchuam chuam ah thugen theina te, ati hi tawh a chung a gente hi a kizawitawn hi. Thagau thilpiak tamtak te lak ah chungnung pen chu Hepina hi ahi dan kawkmu a gua ahi. Kochuam ah gingtute hi khrista taksa pumpi chu ahi, a luchang chu khrista ngei chu ahi. Kochuam ah member te hi khrista taksa pumpi ah Bak chuam chuam te ahiu in, a luchang uh chu Khrista ahi. Taksa kipumkhatna ziaka kinaksaklo leh kilimsak lo ah taksa bak peng chuam chuamte a um thei him himlo gual uh chu ahi.

Kipha Pawl : kitte hi Juda Dan Kochuam in zuihei chan ah zui tei guat ding ti ah Pathian chanchinpha chiapi gaw pawl ahiu ginchak a um hi.

Khrista Pawl : kitte hi ginchak dan pani a um thei ah. Pakhat chun, Korinth Kochuam te a ki bung khen lemlum lai un, kuama party ah panglo khenkhat te chun amau hina taklatna dinga kei chu Khrista-Pawl ka hi ati mai uh ahi thei hi. Khrista chauh a chawisan ut ziak ua, zia hi a gen uh le ahi thei hi. Chun, a panina ah chun Paula zawk in, zia gual chun la kiminvua chiat un, kei vang khrista pawl in ka um hi ati le ahi thei hi. Zia teni Greek paukam ah chun a kithawl thei tho hi. A leng in Paul chun pha asa lo chiat hi, aziak chu khrista dinmun chu mimal lawi upate chung ah ngat chu a phallo ahi.

(b). Khristian Zalenna thu ah kilungtuak lo Kochuam ahiu :

Thianthona ah huaplian talua(libertiness) pawl a um ua, “Kei a dingin bangkim bawl hi a thiang hi”. Hukdam ka hita khawvel thil bangma ei subuak thei a um ta puai. Taksa nasep dang dang te hawn ei subuak thei ta puai. Pathian thu chiapi dan ah Unau Lusei ten ‘Thiangzau’ a ti sek uh tanzau talua ahi pen mai ui. Thagau mi -misang ah hatzaw kigel Numei leh Pawsal chung ah kipalpuk tamtak a um ui ti eima Kochuam hun ah le i hetau hi. Korinth Kochuam ah le Pathian thu chiapi dan ah tanzau talua a um ui ti a kichian hi. A langkhat lam in a khenkhat taget chun la, Thianthona chu phat bukimna ah ngai in, taksa utna him him hi thagau melma ahi ti in, zi-leh-cha neilo ding, Pathian mi diktak chu taksa thil him him a bawl lo ding ti a um kit ua. Chun, zia gual ngaidan nei hi (Kol. 2:20-23) lam in a kichian diak hi. Sawlchak Paul in chu tanzauna chule pha asa pua, kisumthei takluat ah midang bangma gello khawp hial ah kikep thiangtho chule pha asa diak puai. Chun, nek-leh-dawn ah le kithawina sa nek chu, Gnostic te zilttil dan ah chun a khawkna a um puai. Gamhuai/Thitha hile um tak tak bawn hilo, inawp leh zia kithawina sa nek chun bangma a khawkna him a um puai, ti pawl a um lai in, alangkhat lam in sia-leh-phah iatna nei

tawmte(8:10) thiango leh thiango chipchial taka khendan chitchet a um kit ua. Zia ngaidan pani kikak tak te lemtuakna'n thulai gen in a hat te chun a hatlo te chu a kaihuai pitin zawk di ahi tin a gen piak hi.

(c). **Thagau thilpiak thu ah kilung guallo(Bung 12)** : Limna ziaka pau hiatlo atung ah, kikhawpna'n le a mang ua. Pau hiatlo neite chu a ki hisak deu le hin tin uh. A changlo te chula a kisit khawlaw kit ngen ua, Paula chun thagau thilpiak thu hi aha gen khawp mai hi. Bung(13-14) na'n matchak ding dan, kikhawpna ah bawl di dan tiang a gelpiak hi.

(d). **Mithi thawkitna thu ah kilung guallo** : Greek leh Juda umkhawmna Kochuam ahiziak le hintin, mithi thawkitna thu inle kini-alna atung ah. Taksa thawkitna umdi/umlo di ti thu in. (Bung 15) hi zia thupi a hilchetna ahi.

(e). **Korinth thawtkhatna sunga thupi taklat thei te** : Rom leh Galatia lekhathawt te hi Thugin lampang genna ahi deu ah, Paul in a thu chiapi dan inle gil tak in a sui in, aziak ah. Korinth ahileh chu ama gennawp sangin Kochuam in a poimaw te chu gen in a buaipi zaw ahi. A thuzil til dan inle a chuam chuam vak gendaw ziang le haksa ahi. Thupi khenhat in vang lekhathawt dang sang inle a gen kimzaw ahem ti thei in a um tho hi. Zia gual dinmun chu Korinth lekhathawt hi ahi, ti hezing kawm in a sunga thupi azil dite vak taklang masa hitiu.

Zia te chu : ***Pathian hina te, Jesu khrista hina te, Hukdamna thu, Thagau Thiangtho zala gingtute hina thak, Pathian biakna kikhawp, Mithi thawkitna leh khrista hung kitna, Sacrement, Khristian Innkuan*** ti te a um ah. Zia te chu enlawk masalo in i phat dan dungzui in zilkhawm zel mai hitiu. Korinth Kochuam apat tu hun ah, Kochuam in a zil ding khenhat. Khowpi lopitak, thanghuai tak ah Pathian Kochuam phudaw chu ki-at umtak himaleh a khowpi(Korinth) thanghuaina te Kochuam sung ah puaklut ahi phat in da-um tak ahi ta ahi. Tuisuagiat chung ah Lawng lian, Lawngneu, kitawl diam diam et chu thil lopi mu nawp um

Lalpa Zan-ann(Sacrement) thu a gen hi, Bible ah a kizikna mas-apen, chanchinpha Buli(4) ten agenlat masang ua, Paul in ala gen hita ding ginchak ahi. Chanchinpha buli(4) te chu Paul in a genna apat a laksawn ding ua ginchak le ahi. Vaithum leh a tui i dawn sek uh hi, Lalpa taksa leh thisan ngei chu ahilo ahi. Maleh, a etsakna ahizaw ahi. Mutheilo ah thagau ah Lalpa tawh kipawlina thiango leh chu muthei ah taklatna ahizaw ahi. Lalpa hiatzingna bep hilo in kipawlina hing tak mai ah Lalpa tawh kitimatna mantam chu ahi. 'Thisan ah thuthun tak ti' hi, Thuthung masa chu 'Dan' thupiak ah kinga ahia, a lawsap tak ziakin, thisan ah thuthunthak a kulta ahi. Zia thisan thuthunthak chu hepina ah kinga ahita ahi. Kochuam in etsakna nei ah Pathian biakna a bawlsek uh mantam mama te lak ah Sacraments i nei panite hi ahi diak ziakin a za-um thei pen ah matsek ding ahi. Lalpa za-an leh baptism Sacrament pani inei te hi ngainep khak ding alau um dan ziltilna poimaw tak chu ahi.

Gelkhawm ding :-

- I. Kochuam in Luai i the phat uh leh aphazaw-ahoizaw i bawl ding dan uh i hiat te genkhawm hileh..
- II. Lalpa Zan-ann (Sacrament) Presbyterian in Holy Communion hi Kochuam in a poimaw dan genkhawm hileh..

Changvawp in Numei leh Pawsal chu Pathian apat pawt chiat, a kibang in a zo hi.

Genkhawm thei :

I KSP sunga Kochuam tin in Biak-inn ah i kikhawp phat uh leh Numei te chu a luchang uh khusak chu phazaw ahem ahiloleh phazaw lo..?

Zillai - 20.

Thupi : Hepina Luaithe dan diklo leh Sacrament Lalpa Zan-ann thu ah ziltilna

Bible Simdi : I Kor. 11:17-34

Changvawp : 26 leh 33.

Gingtu masate chun, ala bawl dan sek khat uh chu, Pathianni sin hileh Lalpa Zan-ann(Sacrament) bi bawl sek in, chun kikhawp a pelphat uh leh ann-nekhawmna(Agape luaihena) ati maisek uh chu nekhawm sek dan ahiu hi. Zia gual bawl dan hi Presbyterian Church in Taiwan Kochuam khenkhat inle tuni tiang in a chiapi zing nalai uh ahi. Zia luaihena(Agape luaihene) atiu hi, Kochuam ten amau sungkuan apat ahung chawikhawm uh ahem? ti vang a ki hechian puai. Ahinla, phatak ah kipandawk himaleh a zawng-leh-ahat khendanna, apau zo-leh-apauzolo te kidaidanna leh lawitum siamna gual in ahung um phat in a khawk mama ta ahi. Khenkhat in ava set ah anek lai in, mi genthei leh kisuangla thei te a ding in gilvana kham ating zosek puai. Mi genthei te leh mi haus a hina sulang ah, ava talua a um lai ah, a chang zolo um chu thilpha lo tak mai hung piang ding ahiziak in Paul in a zilgaina ahi. Biak-inn khat ah kilawikhawm kochuam khat ka hi kitite dingin, nekkhawm dawnkhawm hi poimaw tak ahizing lai in, alau umna le aum hi ti hi Kochuam puitu ten hiatzing apha ahi.

a ting hi. Himaleh, Tuisuagiat tui, Lawng sung a lut phat leh thil tizat um huaisia tak ahi ta sek hi. Korinth khua ah Kochuam a um chu aphazaw a khawkna a um pua, maleh Korinth gitlona Kochuam sunga alut phat leh khawk talua ahi sek hi. Khristian Kochuam in thim laka salvak leh a pha, maleh khawvel gitlona zanthim in Kochuam a zaw zawk khak ding hi lau um penpen ahi. Korinth khawpi phatlona te chu Kochuam sunga puaklut ahi phat in kibung khenna te a um pan ngal ah. Tulai ah lawitum siamna(Party politics) hi Korinth Kochuam ah lut in, Korinth Kochuam leh kikhenna chu a piangkawp gual ah gel ala hita mai hi. Ginglo thutan tu te kiangin ava kihektua sek ua, Lalpa Zan-An Sacrament a bawl dan teu chu zachat um leh diklo takin a chia pi'u hi. Tempot takin Sacrament a chia pi'u hi. Numei lam inle miham utna lam ah ki kawithiangtho lo in, kochuam mite le kichenna thu ah kinial buaina a um tak ziakin, Kochuam in Sawlchak Paula chu lekhathawt in, zia thute genfel piak dingin ngaidan a dawng ua. Zia ngekna chu lawtinna dingin, Sawlchak Paul in Korinth thawtkhatna leh thawt nina hi a zik ahi. Khrista a lailung leh a poimaw pen ah Kochuam in a kawi thei lai sia chu Kochuam apha, thil abawl thei ah, ama(khrista) sang ah lawi upate ngaisanna a um phat leh buaina a um pan ngal sek hi. Jesu chu Kochuam kituaklo sukdamna umsun ahia, mit zosia, lungthim zosia leh thagau zosia chu ama(khrista) lam a ngat chiat ding uh ahi. Houtute jana chu pha maleh khrista sanga gelkhawk ding ei pua; houtu te chu i thisik ah kross ah a ki khetden lo ziak un, khetden ah um khrista chu ahi a chanchin puanzak di chu(1:23).

Kross chu Judate dinga kipalpukna leh Greek te dinga ngawl-huai ahina te : Judate dinga kipalpukna ahina khenkhat chu :- Hatlona chu hatna hung kipatna ahi thu hi ahi. Kross chung ah mualpho tak leh zawng tak ah thi chu khawvel hukdampa hithei di ahem? ti ahi. Kross hi musit na mit in a en ua, kross chu lawsapna in a gel ua. Messiah chu Judate geldan ah chun gual chungchuanna, thilmak tak-tak bawl theina, lawtinna thubul leh mi lopipen hina dingin ala thil uh ahi.

Tulai Kochuam gam inle, gingtu tamtak chu lawtinna leh hausakna te Pathian guala bia; gentheina kiti himhim pawm thiamlo, a zawngzaw hisang ah hutum(force) ahem ahiloleh, meithal chawite kisuanpi ah mile that ngam i tamta ahi. Kross ah tawmna nun hin dawpi theilo chu Judeate kipalpuk guala umtho di tina ahi. Greek mite ding ngawlhuai ahina ziak chu, kross ah thisan pawt in sabon guala gitlona buakte a silthian ziang ngaihak takin a kawi ui. Rome khawpi ahem ahiloleh Athen ahem ah khatvei chale zilkha lo, Nazareth ah Thingkuang siampa chapa apat khawvel mi zosia hukdam theina ahung kilat ding chu gelthiam theilo thil in a ngai uh ahi. Khawvel thiamna(Science) suidan inle thisan in gitlona beplo, thil dangle a sukthian thei a gingcha puau. Grik te chun thuak hiatna hi, thagau nasepna sangin a pawm zazu ah, mihing thiamna leh pilnate hi ngaisang mama in, Jesu mi hina leh a thina te ngainep in thuak pilna chawisang in, Lal Jesu leh a nasep chu thuak pilna tawh tetuak thiamlo in kross ah Pathian chapa neisun thina leh tatna nasep ni ngawlhuai tak mai in a gel tau hi. Kross apat ziltilda phatak mai chu mi zosiate, a zawng-a hau, amawlapi, lekha thiamlo leh lekhathiam, angol leh apil, aleng in amangcha thei chiat hi. Sawlchak Paul in a tang kopi chu khrista -Galzopa ahem khrista-mipilpa(Philosopher) hilo in Khrista-khetden ah umpa, khristakingaitawmpa ahi zawi (I Kor. 2:2).

Nasemu hina(The Minister) : Zia gual ah khawpi lopi leh thiam kisa tamtak umna khawpi ah nasemu(ministers) nasepna chu hawmthaw ahita, a thugente a mawl taluai, ahentna hawmthaw a um hi tite hi ngei di ahi. Maleh, naseptu Paula chun a dawnhuna in khrista ah nausente nawitui ging nalai bugum nethei nailo gual ah gel in a nasep a chiapi zel. Amau kingaisan gual in a ngaisang pua, alak ua kibung khenna umte hi Pathian thu ah anausen nau sulangtu in a gel hi(I Kor. 3:1-4). Pathian nasemu zilna mun ah a luchangpen gual ahi pua. Bangkim ah thunei penle ahi pua, Pathian suak ahizawi. Zia haw ziakin Paula chun, ama a kigen phat leh Jesu khrista suakpa a kiti sek hi. :Ken chu pha kasa maleh lalpa nangin pha lasa na em?"

Aigupta leh mundang tamtak Missionary ah sem tamtak te chun a Zi teu leh a cha numei teu chu a vakdaw phat uh leh lukhuk a khuk-sak zing sek ui, zia chu ahim pen in a gelziak uh ahi. Ahun zozai ahi lo tiang inle, Biak-inn sung ah numei a pauchap phat leh alu avak khu bek ahawi zing ahi.

Lukhuk khukna ziak dinga a gente chu :-

(i). Aniam zaw ahi ziak un ti ahi,

(ii). Thuneina suklatna ding ah le a khuk ding uh ahi. Zia hi a umzia dinga ginckak dan ah chun, Numei in lukhuk a khuk chu a za-umna leh lopina ahi. Numei lukhuk khuklo chu daichat vai thei tina gual a ngaiz-iang khawvel ah gam tamtak a um hi.

Numei chu Judeate ngaidan ah chun, Pawsal thuneina nuai ah um in a gel zing uh ahi. Numei chu luchang, bil, mit, kam, lungchang, khut-leh-keng te apat siam ei puai, a ziak chu : a chapo lou na'n, thu ahiatnuam takluat lo na'n, taksa utna'n a dim ziang lo na'n leh gen ding ahawl bekset lo na'n leh a vakhat lo na'n ti ahi. Pawsal Nakgu chun vun-leh-phe in a tuam gual in, numeite chu zaidam na'n a kituam ding ahi. Nakgu chu Pawsal lailung taksa ah um ahi gual in Numei chu thagau lam in Pawsal tawh kibang, khrista ah chun Numei-Pawsal khenchuam umlo; Suak leh Suaklo, Greek leh Juda um chuanlo, khrist ah chun kipumkhat vek tina ahi.

Chang 10na Numeiten vansawlchak te ziaka alu a khu ding uh ahi ti hi, hiatthiam haksa maleh, (Gen. 6:1,2) ah Pathian chapa te, ti hi vansawlchak te genna ahi chu, numei melphatna leh samsau na chun vansawlchak te le kipuksak thei gual ah Judeate thugosia(Rabbinical teaching) chun a gen hi.

Meitei laphuaktu pakhat chun, "Siamtu Pathian le numei melphatna'n a ngawlsak thei hi" ati gual uh hi dingdan ahi. Biak-inn kikhawpna numei ten lukhuk a khuk ding uh ti chu, Korinth lekhathawt in a dawi dan ahi pen zing hi.

Zillai - 19.

Thupi : Biak inn kikhawpna numei te um dingdan kilawm

Bible Simdi : I Kor. 11:2- 16

Changvawp : Chang 12na.

Tuhin, Kochuam masa Korinth gingtu te Biak-inn ah a kikhawp dan uh leh a kimatchak dan uh vak zil khawm ding i hiu hi. Zia te chu Bung 11 apat Bung 14 tiang hi ding ahi. Zia te chu chawmkim tdkin vak enlawk hitiu.

(Bung 11:12-16) Biak-inn kikhawp hunsung ah numeite chun lukhuk a khuk ding uh ti ah ziltalna.

(Bung 11:17-23) Biak-inn sunga Hepina luaithe(Agape) leh Pathianni a nekkhawm na thu ah thuhil.

(Bung 11:24-34) Lalpa zan-ann mat diklo nate ziak ah thuhil-na.

Bung 12 pumpi hi thagau thilpiak chuam chuam te Kochuam sung ah kilemtuak tak ah matchak di dan.

Bung 13 pumpi hi ‘Hepina Zaila’ atiu chu ahi.

Bung 14 pumpi hi thagau thilpiak pau hiatlo thu ah thu mawp chu ahi.

Korinth Kochuam ah numeite chu lukhuk khuk zing dinga hiatsak ahi in, zia chu amun leh ahun dungzui ah Paul in a genpiak ahi. Tulai Kochuam hun ah le bawl tei ding tina ahi puai ti ah ngaidan nei mi tamtak a um hi. Maleh, nguntak ah gel in, kumtuang tiang ah poimaw mangcha’n Kochuam buaina chu ala lemtuak ahi.

I. Amun leh ahun dungzui ah ziltalna ahi dungzui in Korinth Numeite chu Biak-inn kikhawpna lukhuk khuk ngei ding ti ahi mai hi. Zia chu ei uh bawl ding danle ahem? tuni tiang inle khawvel ah sualam gam tamzaw ten lukhuk(yashmak) hi numeiten a khuk zing ui.

ti hi Pathian nasemtute mizia dawi um chu ahi. Kochuam ah thanhuaina : Rom mite kiang ah lekhathawt ah Pathian felna, dikna a tangkopi chu zawm zel in, zia dikna/felna chu ama gingtu te khristian Kochuam kitite chun a hindan ua a suklat uh hi Korinth lekhathawt in a tup khat chu ahi. ‘Nang uh hi ka lekhathawt mi zosia’n a sum uh leh a hiat uh chu la hiu hi’ atia. Zia thu ah hinle Numei-Pawsal thanhuaina chu Kochuam ah a kithawl puai ti ah chian hi. Korinth Kochuam ah mi khenkhat chun Anu-thak(Step Mother) kichenpi, (A Pa’n anu thinung ah zi thak anei, zia chu a thi san phat ah a chapa chun a nuthak chu a kichenpi) ah kisuanla na neucha le neilo, ki atpi nalai set le a um ua. Zia tawh bang thil thanghuai chu Pathian helo namte laka le kidak um talua ahiziakin sawlchak paul in a kophil ahi. Gitlona chu pawmthiam mailo di’n a ngek hi. Thoi themcha khat in, Belsung ah umte a jelsuak ah, Zu a kisuak ziang gual tawh a tekhin piak. Ei unle “Sawm ah giakte, khat in zun ache leh a lungua che gual ah i gen sek uh hi tawh kibang hi ngei di ahi”. I Kochuam sung ah puitu khat numei chunga akipalruk leh le, i leng ua minsia gual ah i pawm gual in, Korinth Kochuam ah mi thanghuai, kua tawh bang hem khat ziaka Pathian helote hawn khristian te chu beltak hilo, thanhuaina sakhuu dan ah a gelkhak diu chu lau um pen ahiziakin kochuam apat, Thunun di ati mai hi(5:13). Thil diklo bawl chu thunun (Presbyterian thumal ahi) di ahi. Zia thununna chu pawmna tak kawm ah, lungsiatna tawh kithua di ahi. Lungnatna, chapona leh phuba lakna gual ah bawl lo di ahi. Thununna iti sek uh i kochuam in i chiapi ten hile, korinth apat ah i lakkaw uh hingeit di ahi. Thutak leh ginum na, Thoi panglo ah chun Kut bawl dingin ei chial hi(5:8). Thununna umzia chawmcha i tak latnung in tuhin, Thubuai nei chung ah ei ziltalna vak en kit vak hitiu. Alohei lo ah, khawvel mite thutanna ah puaklut ngaita, thubuai le umtho ina, maleh kochuam te chu(Govt. Court) khawvel thutanna ah va kihek dingin Pathian in ei phal kei puai. High Court, Supreme Court leh Court dang dangte hi thubuai tutna ding khristian te ding ahi dan ei hil hi.

Govt. Court beplo Village Authority Court ah le thubuai tut ngailo di'n mimal ah le, innkuan ah le chun kochuam min ale ti hi ahi. Thubuai chu Kochuam ah tut di Kochuam in zia thubuai chu Pathian dawidan ah gelfel mai di ti hi ei ziltil dan ahi. Pathian hepina ziakin, khrista min ah Pathian thagau ah silthian i hitak dan uh leh thiamchang i hitak dan uh ei genfel piak hi. Pathian in a nei dinga man ah ei chawksa ahidan ei gen kit hi(I Kor. 6:19,20). I taksa pumpi hi chawksa ahi tak ziakin, ei uh thunei na ah um talo di, ei chawpa chu a neitu diktak leh a thuneihi zaw ta ding ahi. Zia dinmun ah i um phat leh Pathian chun mite dinga Temple anei sek kha hitalo in, eimau ah Pathian Temple chu hung umzaw ta dingin ei hil hi. Pathian Temple i hi tak ziak un, ama lunggimna dinga i khawsak lozen ding uh ahi. Zalenna maleh tanzauna hilo : Zalenna ti hi khristian te dinga chun Pathian ei piak thil mantam pen khat ahi. Zia zalenna ziaka ahin lungdawn leh launate abei ah thamuanna chenchil in lungthim ah kipakna gen senlo nei ah khawvel hinkhua imat zel uh hi vangphatna apat in tanzauna, bangma gelkhawklona, kinawp telna, utdan dan ah khawsakna te, nawptatna te leh bangma gelkawklo na ahung piankhak chun khawk tak hi kit ding ahi. Ka nawp hithei dinga zalenna khrista zala ka nei hi. Maleh, ka thil hi chun khrista a kipaksak di ahi. Mi dangte a ding tiang inle ettawn tak atin ding ahi. ka thil hi chun midang te a suna kha tawl em? ahiloleh Pathian a chawihoi zel na em? ti sek di ahi(9:1;6:12).

Kichenna thu ah ziltilna(7:1-16) : Gam leh nam siamphatna dinga bang pen ah penlak masak pen di adiam? Numei leh Pawsal kichen dan chin panlak pat ngal hileh pha mama di ahi. Thangau lam a miphatchuam ngaikhenkhat in kichenna hi ngainep in Zi neilo, PAwsal neilo ah Pathian nasep chu tilkho in dinmun sangpen ah umna guala a gel ziakun, zia gual lunggel dawnhuna ding ah chun Paul in dawnhuna ziagual in a pia ahi. Thanhua in a um thei ziakin, pawsal leh numei chun Zi chuam, Pawsal chuam nei chiat uh hen. Chun, Pathian lalgam lopina dinga Zinawl umthei in a gel puai. Chun, Pathian thu ah

Zillai - 18.

Thupi : Khristian zalenna chu chintawk(limit) um ahi.

Bible Simdi : I Kor. 10:23- 11:1

Changvawp : Chang 31,32

Kithoina sanek chungchang ah Paul in thu tamtak a gen ta, tuhin khristian te chu zalen te ahina ziak ua a bawl ding dan a vak hilchian na khenkhat leh zalenna chu chintawk(limit) nei chidan a gen te zil khawm kit hitiu.

I. Khristian te chun a zawkna mun ah kizuak taphawt sate chu a chawk a thiang hi. Thil zosia chu Pathian apat ahi ziakin ati ahi. Bazar mun nek ding ah kizuak sate chu ginglot kithoina-sa ala hiziak le ahi maithei hi.

II. Ginglotu te chun ann nekhawm dinga ahun chial phat uh leh la ang ua ahun luipiak taphawt uh chu dawng chianlo in ne mai un ati ahi. Amamvang kua hem khat gingtu khat chun kithoina sa ahiziakin la nek a thiang puai ahun ti leh chu ginna hatzolo la gingtu chanpi te gelkhawk na'n nekda mai kit in ati ahi.

III. Eima a ding ziang a khawkna umlo, Pathian zal ah ei susia zo ding a umlo ah i mu lai in, midang te kipalpuk theina thil ahi leh chu bawl lo mai ding ti hi, Paul ziltilna chu ahi. Eima sia-leh-pha hiatna chu gelkhawk zawk ding tina ahi.

IV. "Keima ei entawn un" Paul in a ti ngam hi a ngaisan um khawp mai hi.

Gelkhawm thei :

Mi dang ten pha eisak pilo maleh pha mama ah i het thusuak him himlo ding Pathian ei piak ah i pawm a um em?

Khristian i hina tawh thua theilo ding tamtak a um hi ti hi ngaitua zel a kipha maw hi. Khristian zalemma chu Pathian lopina dinga mat chak bep ding ahi dan in, eima mimal gelkhawkna sangin midang te ding ala hizaw ahi.

Gelkhawm thei : Ei uh khristian hi, khristian hilo, milim hote sanga i gitlo zawk dan i het chun genkhawm hileh.



kalchawina ti ah i zite hiatsaklo ah sawtpi pi khualzin ziangle a awi puai. Nupan chu kihetsak tua in Pathian thu ziang ah le a kigiak mansan bep diu ahi ati ahi. Chun, Kochuam mi Zi leh Pawsal ah ginglote ala nei khate chunle a nawl aphal diak puai. Kichen a ut zing nak phawt uh leh chiapi zel ah Pathian ah puitut guat di ti ahi. Amavang khristian ah puitut zo ngei ‘ingka ti thu ah ginglote kichenpi chule pha asa diak puai. A ziak chu puitut zolo thei ahitho ziakin. A busung lam in gen belap kit mai hiti. Lalpa Zan-An (Kipawlna thiangtho) : I Kochuam thugin ah poimaw mama Sacrament(Lalpa Zan-An) le genkhawk in a um hi.

Lalpa Zan-an hung kipat dan leh a poimaw na a taklat te chu :-

- Ahung kipatna chu khrista matsak ah a umzan ah hung um pan ahi.
- Ama khrista zuite chu hepina tawp theilo ah ahepi dan suklatna ahi.
- Ama khrista taksa, amau haw dinga hisiat ah um etsakna ahi kit hi.
- Ahung kitna ding etsakna le ahi. Chun kuama ki enchian lou ah nelo di leh, kipakthu genna lungthim tawh neksek din dante a gen hi(11:17-34). Khristian masate chun Pathian ni sin leh annekhawkma a nei suk ua, Lalpa zan-an tawh le a thua khawm sek uh ahi. Thil dang ‘Siamtup ngai nalai te chu ka hung phat leh sutup zawi tiu’ ati belap zel hi.

Thagau thilpiak chuam-chuam te matchak didan : (12:1-11)

Masang lai hinkhua milim houna gual hilo, khristian hinkhua ah a khanletna ding ua, thagau thilpiak te piak ahiu hi(II Kor. 12:4-7). Zia te chu : Pilna, hetna, thagau te hetkhen theina, pau hiatlo te leh pau hiatlo hilchet theina te ahiu hi. Zia thilthawn piak lopitak te hi tulai Kochuam gam inle khrista lopina ding leh midang te malzawlha ding ahizawk dan Korinth Kochuam te chun mangthiam lo ah amau kiletsak leh chapona dinga matsek gual uhi ila hi kha thei hi. Zia thilthawn piak chan guallo te hi i matchak ding dan bung 13, Hepina la hawi

(Hymn of love) ah hin ei hilchian hi. Khrista hepina chu i thinlung ah alut masia mihing te hi kihepitua taktak thei ei pua, sawt le i ki lungsiat zosek puai. Mite chun thagum ah hatnate hi ngaisang in abia sek ui. Maleh, zia gual ah thagum ah zawna chu sawt adai sek puai ti khawvel thuanthu ah tepte ding atam hi.

Mithi thawkitna thu ah ziltilna (15:1-11) : Zia Thugin poimaw hi chanchinpha dinga chun a khuam poimaw mama chu ahi. (The Pillars of the Gospel) ti ahisek hi :-

- i). Pathian thu dungzui in khrista chu i gitlona ziak un a thi.
- ii). Vui in a um ah.
- iii). Pathian thu dungzui in Nithum ni'n a thokit hi.
- iv). Zia a thawkit chu mu leh hiatpitu tamtak a um hi. Chun zia thawkitna apat in ahung kitna ding thugin te gingtute thina apat a thawkit ding thu leh khrista melmate nuaisia ahi dante, lopitak ah khrista alal tak di dante leh ei uh gingtute taksa hi thithei chu thithei talo ding ah ahung um tak di thute mu ahi.

Hukdamna(Salvation) thu ah ziltilna : Hukdamna hi thagau hukdamna ahi, taksa hi Thankhuk sung gual ah huphul-um leh ten-um ahi. Taksa hibuak tak ahiziakin gelhawklo mai apha zawi, Thagau Hukdamna bep hi buaipi zawk ding ahi ti ah ngaidan dettak korinth kochuam mi a um ua. Paul in chu taksa chu tatsualna ding hilo, Lalpa matchak ding ahi zawi. I thagau bep hilo i taksa le a hukdam ahi. I thagau bep hilo i taksa le a hukdam ahi. I thagau beplo i taksa bakte hile khrista a dinga a taksa bakte ahi tho hi. Zawn thanhuaina hi i zawn thanhuapi mite chu tawh taksa pumkhat hina ahiziakin a khawk diak hi. Gitlona dangte vang taksa pawlam thil ahi, anep deu hi(l Kor. 6:12-19). I taksa'u chu Pathian thagau thiango chenna inn i hi tau hi. I thagau beplo i taksa hile man piaka chawksa ahi. I taksa hi Pathian chawihoina dinga tatdaw, hukdaw ahi.

Biak inn kikhawpna bawl ding dawl leh bawllo ding dawl :

Biak inn kikhawp phat leh Numei te chun a Luchang uh a khu ding uh ahi ti ah Paul in Korinth Kochuam te a hil hi ngainep nuam te chun

Zillai - 17.

Thupi : Israel te khangthu apat hilna leh Sacrament thu ah hilna

Bible Simdi : I Kor. 10:1-22

Changvawp : I Kor. 10:11,12

Korinth Kochuam ah mi khenkhat chun Baptized ka hita, khrista tawh pumkhat ka hitau hi, chun a taksa leh a thisan etsakna ne-leh-dawn ka hi tak ziakun ka him ta khawp mai hi, milim hona-sa nekte chun ei subuak zo ta puai ti ngaidan a nei ua. Ziate kimuang tak luat na chu a lau um dan hilna'n zia thu hi a gen ahi.

(Exo. 13:12; 14:19) ah chun Sumpi Israel te puitu, liakhutu lau um apat vengtu mu ahi. Chun, tuipi san lailung tak ahun pal kai thei dan uh le (Exo. 14:19-31) ah mu ahi kit hi. Zia gual thil atuak khak teu chun, puitu lopi Mosia tawh kipumkhatna baptisma gual ah pawm in khristian te leh Jesu khrist chu baptisma zal ah kipumkhat ahi gualma un. Chun (Num. 20:1-11) ah Mosia Suangpi apat mipi dawn ding Suang a suttawd thu mu ahi. Zia dinmun pha leh dawisakna Pathian apat a muteu chun siampha zel talo in a puksiat khawlaw tau hi. Kimuan takluatna chun Pathian dawigual apat puksiatna atun sek hi. Paul in Pathian dawi gual apat puksiat theina a taklat te chu :-

(i). Milim hona, (ii). Zawntat thanhuaina leh (iii). Pathian chu hepina dim ahiziakin ei ngaidam zel ding ahi ti ginckakna ziak ah pawlche hinkhua ah kimatchak zing ah Pathian thianthona lam gelhawklo chu khawk tak a ting hi. Thepna tamtak chu i kipukna ding hilo in i hatzawk sem theina ding thil ahi zawk dan hetchian a ngai hi.

Kithoina sanek chungchang ah a thumawp dan chu ahileh, kithoina sa ah chun thitha te chu hung pang ah ginckak ahi sek hi. Kithoina sa nete chu thitha te tawh kizawpmatna ah gel gingtu tamtak a um ziakin, kithoina sa neklo chu a phazaw dan in Paul chun a taklang hi.

theina dingin ati ahi. A umzia mi lungput danle hethiam ah ama dawidan leh ngaidan bep chiapi lo ah, mi lungthim hawlthiam, khrista kiang a puilut di ti chu ahi. Missionary nasepna ziang le i et leh Mission Field ah umte paumat i matlo chun lawtin a haksat ziakin, Missionary tamtak chun Mission field ah cheng a gam mite pau zilna'n hun tam tak amang sek uh ahi.

V. Korinth 9:24-27 hi mi khenkhat in a sim phat uh leh Paul hi Games&Sports ah thanuam mi hiding in a ginglel him him puau hi. Kitaitetna a gen dan apat in Sports lam hi a lunglutna leh a holim nawpna lam hi dinle ginchak a um hi. Kitaitetna pangte chun, Lallukhuk sethei ding dawi na'n tai ahiu hi. Khristian te hi Lallukhuk setheilo ding dawina ah tai ahiu in umchan(discipline) phatak nei zing kawm in tai mualsua guat chiat ding a ki phamaw hi. Umzia mumal bei ah mawk kitaitet thei ahi puai tile a suklat nawp khat chu ahi. Khristian nasepna chu nasepna mantam pen leh kidona thiangtho pen tawh le tekhin thei ahi. Pathian min ah nasepna taphawt hi umzia bei leh ngainep him himlo ding ahi danle mu ahi.

Thil pawimaw tamtak a gen zaw in, Paul chuna thil bawl chu a mai mai hilo galdona tak ahidan a taklang kit ah, umzia nei tak mumal bei chu hi him him lo, chun a taksa sawizawi a thunun sek hi. Paul in a taksa a thunun zaw(Control) zaw dan hi a ngaisan umkhawp mai ah, taksa chun mi ahun control(thuzaw) phat leh Pathian dawidan apat a kipuk mangthai sek uh ahi. Paul chun a taksa chu thunun zo in, Suak in a siam zing zo hi. Taksa utna thunun zo ah Lalpa dawidan ah kimatchak zel chu Paul hindan ahia, ei uh hin dingdan le ahi him ahi. Taksa sawizawi ah Pathian dawidan ah thunun zaw hi, i dam sung zosia i poimaw zing ding uh ahi.

Gelkhawm thei thil :

I. La law(pay) thakhat bangzat ahem? ti sangin la nasepna hi nuam lasa em? Ladutui em? ti hi poimaw zaw ahidan gen belap hileh.

II. Taksa hi sukgenthei ah Pathian dawidan ah thunun zaw hi tulai khawvel ah poimaw dan gen belap hileh..

Korinth Kochuam Numeite hi thugentu ding ah le guatlo ding ati hi Numei minsia kimang phalo a tamziak uh ahi. Tulai hun tiang a dingle ahi puai ti ah gelpawl a um ui. Maleh, zia Numeite lukhuk a khuk ding uh ahi ti hi ei uh Thingtang mite ding ah le gelkhawk thak kit a poimaw hi. Kikhenna suklatna dinga Biak inn kikhawp hi matsek lo di ahi. Nek-leh-Dawnna mun ahi puai, i Biak inn kikhawpna leh nekkhawmna ah le kingakkhawm kimsek di danle ei hil hi. Biak inn kikhawpna La ahem, thu hilna ahem, kilakna(vision) thu ahem, haw zosia chu kisiam phatna mat hi hen. Kikhawpna chun melpha leh Dan taka bawl hi hen.

h). Korinth lekhathawt leptuakna : Zia lekhathawt chipchial taka i zilkhawm masang un, Bible thiamte leptuak dan hi i navak theina di'n vak sulang hiti :-

(i). Lekhathawt masa, zia hi (II Kor. 6:14-7:1) a bul patna.

(ii). Kloi innkuante ei pau ah (No sitset nu innkuante) ti di hina,

Ephesi apat Korinth ah va khualzinte chun korinth kochuam kituak-lona leh buaina chu Paula ahil ua. Zia hun ah hin Paula chu Ephesi ah thathum a um sung hi di'n ginchak ahi(Sn. 19:8). Chun, Korinth Kochuam inle thu dang dangle dawng nuam in, Paula chu lekha ahun thawt ua. A buaina thute hawle hilkawm in Palai dingin Stephenus, Fortunatas leh Akaikas te haw hunsawl in lekha ahun thawt ui.

(iii). Zia dawtna Korinth Kochuam apat a mute dawnhuna di'n Korinth thawtkhatna hi ziakin Timothy a puaksak hi ding ahi.

(iv). Korinth Kochuam chu a buai nasat zel ziakin, sawlchak paul in ama ngei in ava kantha, maleh gapha sua diaklo in a khawk chek chek ziakin a lungthim ana talua ahi.

(v). A Pathian nasepna leh agimpi, Pathian Kochuam a etkawl te lungthim ah hun tamzaw a gelzing te buai deu deu, kinasia deudeu dinmun a um takmai chuh, Paula a dingin thawk zawlo ating him ahi. Ama ngei Korinth Kochuam va chia in thapi sengin pan ala. Maleh, phatchuamna him a um taklo ziakin, lekhathawt huaisia(severe letters) ti ah Bible thiamten ala gensek uh II Kor. 10-13 hi chun zik khawlaw ta ahi(10:10).

(vi). Lekhathawt huaisai/khautak korinth kochuam te a thawt zaw in a ngaiven zing ahi. Maktak mai in, Pathian kochuam korinth ah um chu ahung dam kitta. Zia chun Paula a kipak sak talua ta ahi. Zia kipakna ngaisan um tak ziaka chun lemtuakna lekhathawt(letters of reconciliation) II Korinth bung khat apat bung kua hi a zik hi.

i). A zik hun leh thiltup :

Kloite innkuan Korinth ah va khualzin te apat in korinth kochuam buaithu leh lungput dan ah le kikhen lemrum ah aum chanchin uh ala hia. Chun, genchianna dingin Korinth lekhathawt hi a thawt ah Timothy a puaksak dan ahi.

A Thupi : Kochuam sukthianthona

A Thu Chabi : I Kor. 5:7

A zikna mun dinga ginchak : Ephesi khua

A zik hun : Bible thiamte tamzawk kigualna, A.D 54-57. Khawkhal lai ah zik hi di'n ginchak ahi. Thawtnina hi October thalam ah zik hi din ginchak ahi.

A ziaktu : Sawlchak Paula ahi ti hi, gen buaina bang ma umlo in navak tak ahi.

Korinth Kochuam mite chu, Greek te leh Judeate kigawm ahiu hi.

I. A BU SUNG AH THUPITE .

- a). Taklatna leh Thumapui
- b). Korinth khawpi chanchin
- c). Paula leh Korinth te kizawpna
- d). Paula leh Kotinth te kithuhuatna
- e). Korinth Kochuam chu bang gual Kochuam?
- f). Korinth thawt khatna taklat thei thupi khenkhat
- g). Korinth Kochuam apat zillai
- h). Korinth lekhathawt leptuakna
- i). A zik hun leh thiltup

II. A bung thu leh hilchetna.

Thumapui : Chibai bukna leh kipakthu genna (1:1-9)

Kituaklona ziaka thiamlo channa (1:10-6:20)

Zillai - 16.

Thupi : Hunlem chang leh nasepna lopi
Bible Simdi : IKor. 9: 15-27.
Changvawp : 9:26,27.

I. I Zillai ah "Thuneina" ti ah Vaiphei Bible in a gen pen hi sap-pau lam in "Privilage" ti ahia. Zia chun hunlem chang vangphat bikna le a kawk thei hi. Ziaziakachun, W. Barclay chun a thupi dingin "The Privilage and the task" vangneina leh a nasep ti in ala gen hi. Pathian nasepna ah chun a thalaw kha a poimaw pen hilo in nasep na dinga chanvo pha leh dawisakna Pathian leh Kochuam apat i dawn pen hi ahi a pawimaw chu. America mi Professor khat chun a sepna a pension phat in a thugenna ah chun, University ka sep sung ah Thalaw ei piak uhi, ka kipak mama hi. thalaw ei piaklo tiang uale, ka dutuina ka sepho dinga ka gel ziak in ati gual in Pathian nasepna him him hi amantam ah, a thalaw ahem, ani-khawtha man kha a pawimaw zaw ei puai.

II. Paul chun Pathian nasepna chu a mawpuakna ahem, a duty ahi ding dawl bep in a gelpua, zia gual chun gel henla hileh thalaw ngek intin; ama Paul dawitelna beplo in zia sem dinga guat him him ahizawkna kihiatchianna phatak chun ka gim talaw tai ti umlo in chawl theilo in a hat tawp tiang ah semzaw ding ahi thu a genna. Zia tawh bang dinmun sangtak ah semthei te ding ah thalaw leh ni-khawtha man kitite chu a pawimaw pen ahi ngailo ahi.

III. Paul chun Ni khawtha leh Thalaw Pathian nasepna ziaka neilo maleh, lawman phatak mai nisin ah dawngsek gual in a kigel hi. Chanchinpha chu a pawm nuam tapo kiang ah zalen tak ah puangzak thei dinga navakna anei chun a su lungkim hi. Paisa lawtam leh tawtawm thu hilo in Pathian nasepna ngei hi i nasepna i lung a kim na em? ti hi ahi a poimaw zaw chu.

IV. Paul chun nasepna lopi asep chu dan taklatna in suak hilo maleng, mi zosia suak in ka kisiam sek ah, mitam zaw sem ka laklut

**JERUSALEM TEMPLE AH KITHOINA AH THIAMPU TE CHANVO
UMTE CHU :-**

I. Halman kithoina : Zia kithoina ah hin, Asa zosia chu haultum gual ah gel himaleh, asung zosia, leh a thagui te chu haultum lo in chun sa selguk ati maisek teu tawh Thiampute piak ahitho hi (Gen. 32:32).

II. Gitlo kithoina : Zia gitlo kithoina ah chun gancha thaw(fat) zosia chu haultum in asa dang zosia chu Thiampute chanvo ahi mai hi.

III. Sukkhial khak kithoina : Zia kithoina ah hinle gancha thaw(fat) bep haultum in a dang zosia chu Thiampute piak ahisek tau hi.

IV. Thailat kithoina : Zia kithoina ahin Bu-leh-Bal leh Sathau te chun themcha khat haultum in a dangsia chu Thiampute chantum ahi mai hi.

V. Chamna thilpiak kithoina : Zia chamna thilpiak ahin Thiampute chun kithoina satha apat in a-awm a changlam daak(liang) a chang ua, Asa sung sia chu ahung kithoite piak kit ding ti di ahi.

Gelkhawm ding :

I Kochuam sunga chanu-satha(Sawngsa pua) leh a dangdang Annkuang luina i nei phat uh leh Thiampu-sa ding umsak sum-leh-pai tawh maicham siam piaktu Pastor kipe sek pen hi, a phatna leh phatona genkhawm hileh..

- (A). Kipawlkhenna leh Khristian pilna (1:10-4:21)
- 1). Kituaklona Kochuam ah(1:10-17)
- 2). Kross apat thupha(1:18-25)
- 3). Korinth kochuam mite(1:26-31)
- 4). Kingaitawmna suan um(1:25-2:5)
- 5). Pilna dik leh Pilna diklo(2:6-16)
- 6). Thagau lam ah Korinth te naupan huaina (3:1-4)
- 7). Pathian nasep pite etdan ding(3:6-4:21)
- (B). Zawntat leh Thanghuaite zilgaina(5:1-13)
- 1). Zawntat ching Pawsalte (5:1-6)
- 2). Thanghuaina hi Kochuam sunga ngainep lo hial di (5:6-8).
- 3). Khristian zawntat chu thununna piak di (5:9-13)
- (C). Pathian ginglote thutanna ah va kihektua lodi(6:1-11)
- (D). Numei-Pawsal Thanhuaina a phatlona te (6:12-20)
- III. Korinth kochuam in lekhathawt ah dawtna a siamte dawnhuna lekhathawt (7:1-15:58)**
- (A) (1) Kichen leh Zi bei ah um na (7:1-24)
- (2) Kichenna mawpuakna leh kikhawi thianthona (7:25-38)
- (B) Kithawina Sa nek chungchang(8:1-11:1)
- 1) Hiatna leh lungsiat thilpiak (8:1-13)
- 2) Paul chu lungsiat thilpiak ah ettawn tak (9:1-27)
- 3) Israel te chanchin apat zillai (10:1-13)
- 4) Milim hona, Sanek chungchang sukfelna (10:14-11:1)
- (C). Khristian te Biak na kikhawp gual tuakthu (11:2-14:40)
- 1). Numei ten Lukhuk a khuk ding uh (11:2-16)
- 2). Lalpa Zan-an (11:17-34)
- 3). Thagau thilpiak te (12:1-14:40)
- 4). Mithi te thawkitna (15:1-58)
- IV. Thutawpna (16:1-24)**
- 1). Migenthei te dinga thawlawm dawlpiakna(16:1-4)
- 2). Paul khualzinna ding kisingsakna leh genphatna (16:5-18)
- 3). Chibai bukna leh huntawp malzawlna (16:19-24).

Zillai - 3**Thupi : Chibai bukna leh kipakthu genna****Bible Simdi : 1:1-9****Changvawp : 1:8.**

Masang mite lekhathawt zik dan chu : A ziaktu min a chuang masa chun, a thotna te min chuang ah. A tawp phat leh malzawlna tawh a ziaktu chun amin a sulang kit sek hi. Chang 1-9 sung in Jesu min 9veilam a kilang zo ah, zia umzia chu thil haks a buaipi ding ahita; Jesu Khrista chu, thil haks a, thu haks a suk navak dinga matchak pen in amang hi.

Buaina leh haksatna sukfelna dinga Dan thiamte(Ukilte) ahem, khawvel thutanna(Court) ahem, gamnuaimi ahem, khawvel mi lopi ahem, kingakna leh kineppi pen ah neilo zawk ah Lal Jesu hi matchak thupi pen ah nei di tina ahi.

Khrista Jesu leh Jesu khrista : Zia hi a kibang himaleh a ual dan uh vang a kibanglo thei hi. Pathian mi guat chu a hungta, ama chu Jesu hi ahi, ti hi amasa'n a kawk ah. A nunung zawk in Joseph leh Mari Chapa, Nazareth Jesu hi khrista ahung ding chu ahi tina a kawk thei hi.

Paul, Pathian dawigual ah khrista sawlchak hi ding ah ko : Sawlchak ding ko ahina hi dindetpi leh huk a ngai ah a het ziak ahi. Pathian kona leh guatna hiatchian leh pawmdet hi a poimaw hi.

I suapi pau Sosthen : Judate kikhawpna(Synagogue) hotu, Grik ten a zep ek uh kha ahi(Sn. 18:17). Gingtu ahi phat ah Paula ding ziaktu ah pang ahithehi hi.

Kochuam : A chuam ah kodaw(Ecclesia) ti leh thuthunglui ah Pathian mite kipunkhawmna(Khahal) ti tawh kituak zel in thuthungthak ah chun gingtute gen na'n mat ahita. Paul inle tamvei tak amang hi. Tulai khawvel ah Biak inn taphawt ah Pawlpi hina, Presbyterian ahem, Baptist ahem, Evangelical ahem te hi Kochuam thumal danga ziaklat masak haw hile gelkham tak a ting hi.

Zillai - 15.**Thupi : Nasemu chu Law mu ding ahi****Bible Simdi : 9: 1-14.****Changvawp : 9:14**

Paul chu Pathian hepina nasemu ettawn tak ahi dan kichian tak mai in tu i Zillai uh hin a taklang hi.

Mi kua tawh bang ginna leh thagau ah mi sanga hatzaw kigel, mi dangbawl ding ah pha sazolo amau in abawl ua leh thagau leh taksa ahle mi piting ahi ziak ua khawk talo ah ngai ziang aum ua. paul chun ama ngei inle unau hatlo zawtum te gel khawk naziak aleh kipal puk ding ven na ziak abawl lothil te um in agen hi.

Sawlchak paul hi asawlchak hi na ngainepliak nuam ah panla zing aum ua, ziate chu nungzui 12te lak apan lo ziak in pawm thiam lodi ti hi ngei di ahi.maleh paul chun(11timothy1:12) ka ginna ngak na pa chu ka hechian ahi"atia. Min ei hiatpi sang in gil taka lal jesu hiat chian hi akul tak zet hi. Lalpa chu ama ngei inle mu ah hiat chian ahi ziak in genbuai theilo ahi dan atak latna chu ahi. Chun apani na ding in, korinth kochuamte ngei ama sawlchak ahi na kilat na chu ahi dan uh agen chian piak hi. Nurse zil na hung kipat dawna florence nightingale chun damlo sepai te kaitua ah gimtak ah na asep lai in, sepai thiding kuan khat chun "kei ding in khrista hukdamtu ngei chu lahi"ala ti hial ah. Paul nasep pha nial gual lo chun sawlchak ahi na chu ataklang in asudet ahi.

Law nei ah sepnathu le mu ahi. Mi kuate ahem in tha law nei ah pastor semtu dang i goi hawle ahi ding him ahi dan tu chung i zillai apat mu ahi. Sawlchak paul chu ama tak chu kochuam ten thalaw pelo maleu midang semtu thalaw apiak ziak un thiamlo achan diaklo ahi.

Tulai khawvel ah hinle thiamna hiatna asang tak ziakin masang lai ah thil lau um leh ah ala gel teu haw chu launa him nei talo in i um tau hi. Thitha, Dawi-leh-Kau launa a beita hiatna leh thiamna ah i khanto tak ziak uh le ahi. Ahin hiatna-leh-thiamna i ti te hi hepina tawh matchak ahilo chun chapona leh mi dang bangma gello na'n ahung um sek ah; zia chu khawk ma ma ziang ahung hisek ta ahi.

Thagau lam ah hegil leh musau i kisak nate ziak ah i gamtat dan te chu I-U-Nau hatlo leh ginna tawmte kipalpuk khawlaw theina di ahi chun tawpsan ah sim veng veng mai din ei hil hi. Nek-leh-Dawn thu ah le ei man a khawk puai i ti thei tamtak um intin maleh midang te kipalpukna ding ahi chun nek taklo leh dawn taklo ah bawl taklo mai ding chu ei ziltilna ahi.

Gelkhawm ding :-

Midang te kipalpuk theina ding thil phalo i nek khak uh leh i bawl khak uh haisan di i kochuam ten anei em? Gelkhawm hileh..

Etsakna'n, Presbyterian Kochuam Leilon tibang i dawi dan uh ahita ahi. Pawlpi (Denomination) tawh Kochuam chu Pathian gel in khawizawk hi a poimaw masa zaw diam? Khrista Jesu ah hichuam mi thiangtho hiding ah ko : I Bible suak masapen te Vaiphei pau ah chun, Jesu khrista ah hichuam tile ala um ah a hawidiak in a kichian hi. Kochuam chu khrista mangcha'n hichuam ahiu hi. Khawvel ah cheng ziang leu le a chuam ahiu hi. A chuam ti hi 'Thiangtho' ti thumal tawh kizawp ahi. biak inn chu inn dang tawh kibang lo ah hi chuam ahi ziakin a thiangtho ahi. Bible chu lekhabu dang tawh kibanglo ah gel ahi ziakin a thiangtho ahi mai hi. Khrista kithawina ziakin gingtu te chu hichuam ahi tau ah, ziaziakachun thiangtho ahi tau hi.

Gamtin ah Jesu khrista minlam tapote kiangna tawh : Mi khen-khat chun, Korinth Kochuam te kiang ah thawt hingal ah gamtin ah Lalpa minlam tapote vak ti khel khel hi a umzia bang? 'Amau haw Lalpa leh ei uh Lalpa' a vak ti hinle umzia hawitak a nei hi. Midang sang-sang inle kei ei lungsiat diak a diam? iti thei chiat ziak un amak ahi. 'Gamtin ah khrista minlam tapote' ti pen hi michuam in a ziak belap uh le a diam? ti ngaidan le a um hi. Maleh, khrista hepina chu kua man aki huppi chuam diak theilo dan hi mudaw ahi chun ahi ding zaw him ahi.

Hepina leh Chamna : Hepina hi Pathian phatna bukim genna ahi. Zia chu chan gual lo leh sepphat ziaka lawdaw phaklo chu ahi.

Kipakthu : Mithiam Paula chun Ch. 4-8 chan hi thulawm khat (Sentence) khat in a siam thei hi. Kamsuak khautak-tak ah zilgai di hita mawng leh le phatna neucha anei leh hemil him himlo in ziate haw ziak ah chun Pathian kiangin kipakthu a gen piak sek hi. Zia hi thagau mizia dawi um tak chu ahi.

Zillai - 4

Thupi : Kochuam sunga kipawl khenna leh Khristian pilna

Bible Simdi : 1:10-17

Changvawp : 1:13.

Paul in Kochuam sunga siatna phawbit gua'n pan ala panta ahi. Kloi innkuante apat in Kochuam sunga kituaklona thu ala hia. Ephesi khua apat n zia lekha hi a thawt hi. Korinth Kochuam kikhenna chu ei uh guala khawkhat ah Biak inn chuam chuam phudawk ahi nai puau ah. Biak inn khat ah kochuam khat hizing kawm ah a sung thu ah lung-gel kituaklo ahi zawu hi. Suapite haw ti hi Nivei set amang ah a umzia chu school ah hotute'n naupang te a vau gual uh hilo in, lungsiatna tawh kithua in a zilgai zaw ahi. Chun alak ua kipawlkhawmna hi a khawkdan leh lungsiatna mit ah ki entua ding ahi dan uh suklat nawp na'n amang ahi zawi. Ei pau ah suapite ti ah ledaw sangin Unaute ti hi a dawi um zaw ahi.

Korinth kochuam pumkhatna di'n Paul in a paukam mat 'kikhenna a um lona di'n' 'la kizawp det keina ding un' ti te hi, Doctor te paukam matsek gubawng a zawp sekna thumal ahi. Kochuam ah kituaklona te hi puan ek gual khuibit pai pai ziang ding chun gubawng gual ahileh le sukdam ah phawbit kawm chu khrista taksa pumpi Kochuam ngeim chu a hiselna di'n leh a hatzelna di'n a poimaw hi.

Korinth Kochuam kikhenna chu pawl pali in a taklang ah, 'kikhenna' ti hi Grik pau ah 'Schismato' hi a umzia chu 'Puan ek' (Rents in a garment) ahun taka khuibit lo leh hung sezo kei thei tina ahi. Kochuam Puitu lian te min amau pawl taklatna dinga amat te chun ahe pha puau ah, amau haw kikal ah kituaklona le a um himhim lo ahi. Korinth Kochuam mite chun amau haw kituaklo zia suklat na ding lamkai liante min chu amin neite le dawng selo in amatchak mai uh ahi. Chawmkim in vakvel et kit hitiu.

Zillai - 14.

Thupi : Milim hona thil kilan te leh kithawina sanek thu

Bible Simdi : 1: 1-13.

Changvawp : 8:9.

Kithoina sa nek chungchang ah Paul ziltilna chu Bung 11 tiang ah hin, a taklang ah, chun khristian te zalenna hi zia Bung sung ahin a gennawp pen chu ahi.

Korinth khawpi chu Numei-leh-Pawsal thanhuaina lam ah a mint-han bak un, Pathian holam sakhaw thil thu inle, kithawina a bawl nasa khawp mai hi. Milim Pathian biakna leh kithawina-Sa tha aha bawl ua. Zia kithawina maicham ah lat te chu a kithoi te chun, luaithena anek khawm ban un, Thiampu-sa dinga a khen piak teu chule tamtak ahi sek ah. Zia Thiampu chantum te thiampu ten ne seng ngailo in Bazar in ahun zuak sek ua, sum leh pai muna liantak le ating him ahi. Zia milim(idol) biakna sa kizuak te vaknek khak mai chule thiang tawplo ahi ti ah ngaidan nei pawl a um ua. Chun, khristian khenkhat in i sum i chawksa ahia, nek a khawk puai ti ah lunggel pawl le a um kit ua. Korinth Kochuam te chu kithoina sa nek chungchang in ngaidan kituaklo in kinialna huaisia a um ziakin Paul in a dawidan a lunggel a taklat ahi. Lunglian deu leh huap zau deu ah um Greek khristian te chun milim chu Pathian bawn hilo a hona sa leh kithawina thilte chu le lau umlo, atak tak bawn hilo bangma a khawka umlo in a gel ua. Juda khristian kulmut kisa te chun milim hona thil taphawt chu kidak thaw mai di ti ngaidan a nei kit uh ahi. Kithoina sa taphawt nekha te chu milim hote, thitha hona gual ah lunggel pawl a um uh ahi.

Hiatna chu a phalam ah matchak lo phat leh ki-Uanna in a dim ah, midang bangma saklo na'n a dim ahi. Hepina vang mi atung ding zaw sek ahi. Hiatna chu a phalo dan ah gel an ngainep zawk di ti ahi diak apuai.

I hina leh dinmun hi zachatpi lo in san danglam teile gaw diaklo in, i dinmun apat chun Pathian chawihawi din ei ko ahi.

Manpiak ah chawksa la hitau hi : A neitu chu Pathian ahita, ama mimal ut dan dan ah umta lo di tina ahi. Lal Jesu thisan thiangtho tak mai ah chawkdaw sate i hitau hi. Suak ah um ah genthei tak ah mi thuneina nuai ah umte leh zalen tak ah misuak ah um kha ngailote chule aleng un khrista suak i hi chiat tau hi ti hi a ziltil nawp chu ahi. Lalpa suak hina hi a chawisang ah zia chun Khawvel genthei haksatna zosia a sunem zo hi, ati ahi.

Meithai te leh Nungak-Tangval te kichenna hi buaipi lo phawt ding ah a genpiak ziang, Jesu hi hung vak ziang kitta ding ah aginchak ziaka ala genpiak khak mai hi ding ahi.

Gelkhawm thei : Mihing leh Mihing chiat chiat Suak-leh-Sal ah kivul hi Pathian dawidan hilo hial ahi ti hi hechian in, Abraham Lincoln, America President 16na pa chun, Mivawmte(Negro te) zallen a puang dawk ah. A hinna le a thi khawlaw ta, a hinla khawvel ah mi minthang leh mi ngainat ahi zing ta ahi. Suak-leh-Sal ah kivul chungchang ah Sawlchak Paul in Sawiselna neucha le a neilo hi a danglam ah bang ziak ahi diam? ti ngaidan gelkhawm hileh...

(i). **Kei ‘Paula Pawl’** kiti te a um ua. Zia te hi Jentel namte ahi ding uh ginchak ahi. Paul in a tangkopi chanchinpha chu khristian te zallen leh Dan thupiak tawpna thu hi ahia. Zia chanchinpha Paula in a tangkopi chu ual talua in, Khristian zallen chu i nawp-nawp bawl theina dinga zallen a ngai in, hinkhua supawl che pawl um hi ding dan ahiu. Hukdamna chun gilo dinga ei zalen sak hi zawlo in, gilo kitlo dinga ei zalen ahi zaw ahi. Kei Paula Pawl kiti te hi a awimaw ahi.

(ii). ‘**Kei Applo Pawl**’ kiti te a um kit ua. Ziate chun Pathian thu hi thuak pilna in a sui ua, a hilchianna le thagau hilchianna sangin mihing pilna ma hi a ual zuau ah. Khristian thugin te haw hile thagau lam ah hinpi sangin khawvel thuak pilna(Philosophy) ah heidaw nawpna neite ahiu ah. Mi thiamlo te leh mimawl te pantheina ding khristian hina ahilo dan chiapi te ahi tuak ui. Pawl zia gual ngaidan ah chiate chu a pakcha keilo ahi.

(iii). ‘**Kei Kipha Pawl**’ kiti te a um kit ua. Kipha chu Peter ahi. Amau haw ngaidan ah chun, hukdamna chu Lal Jesu apat ahia. Ama Jesu ngei inle langsal tak ah Pathian dan thupiak te a dodal pua. A thei dan dan ah a zui tho ziakin, ei uh khristian te hawn le, Judeate dan thupiak hi i zui chiat ding uh ti ah pang tinten pawl um kit hi ding ahiu hi. Juda te dan thupiak gelkhawm tinten nalam ah Pathian hepina a lopi zaw leh zallen lopitak chu ngainez zawk theina a um ziakin, Paul in Kipha Pawl kiti te le a pakcha diak lo ahi.

(iv). ‘**Kei Khrista Pawl**’ kiti te a um ui. Zia Pawl te hi a umlo le ahi maihei. Paul in nang uh pawl chuam chuam in la kigen ua, ‘Kei Khrista Pawl in kalung awi’ atina le ahi maihei. Zia chu ahilo tiang inle pawlpi kikhenna pathum te lak ah panglo mitam lo cha khat awn na leh panna lam neilo ah khrista pawl ka hi ti ah, kikawi chuam a khristian chanpi dangte thusel mawng mawng lo ah pawl dangte tawh le kihoh thei gaw diaklo khrista pawl kiti te le a um ahi maihei. Paul in zia gual mite chule a awi diaklo ahi

Chang 13-17 khrista chu kikhenzakna ding hilo in kipumkhatna ding ahizawk dan sunzawm zel in, ama(Paul) nasepna le pawltum(Party) siam a guatlo dan le sulang in a genchian na din Baptisma thu te avak gen galkai ah. Baptisma a chansak sunsun te a sulang ah zia te :- Staphenus chu Akaia gam ah gingtu masapen chun Krispa chu Korinth khua Juate kikhawpna ah lawi upa pen ahi kit ah. Chun, Gaia ahileh Paul zintunna sekpa ahi kit hi(I Kor. 16:15; Ns. 18:8; Rom 16:23). Paul in Baptisma ngainep na'n zia thu hi agen hilo in, Pathian nasepna chanchinpha puanzakna leh Baptisma chansakna a um ah, amasa zawk hi a mawpuakna zawk dan in a taklang ahi zawi.

Genkhawm dite :

Korinth Kochuam lunggel ah kituaklo ah a kikhen uh chu Biak inn chuam phu ah kikhenzak hi nailo maleu, thil lau um tak thagau lam thu ah hung tung thei ding ahiziakin, Paul chun veina'n thapi seng in theitawp sua in a lemtuak thei ta. Zia gual ma chun, tulai Kochuam sunga lunggel leh taksa ah kikhenna tunthei dingte suklem ding dan te gen ual khawm hileh..

Zillai - 13.

Thupi : Nupan hin di dan leh Zinei nailote ziltilna

Bible Simdi : 7: 10-40.

Changvawp : 23

Pathian in a gawphkawm chu mihing in khen ki hen :

Lal Jesu ziltilna (Mk. 10:6-9) hi pawm in a genzawn ahituak hi. Nupan kikhen leh kinol hi Pathian dawidan ahi puai. Chanchinpha Mat-thai (5:32) Kinol theina a ziak umsun a gen chu Angkawmna ziak ahi ding dan mu ahi. Nupan kikhen/kinolna lemti ngailo Pathian ahi dan hi khristian ta phawt in a gelkhawp apha; khristian tamtak te buaina hi angkawm ziak leh kikhen leh kinol apat innsung siatzakna(broken family) iti hi ahung um sek ahi.

Thanghuai taka um sangin kicheng apha zawi : Kichenna hi Pawsal dang leh Numei dang apat venbit ah i umna ding le ahi. Gancheate gual ah kipawl zaizap theilo ding i hi dan ziltilna chu ahi.

Ginglo mi tawh kichen thu ah ziltilna : Ginglo mi pawsal/zi ahem ah neite chun 'Kei gingtu ka hitai' ti ah mawk kikhenpi mailo ding ahi. Gingtu hi nailo zawk chu anawp nak phawt chun, kichenpi ziang mai ding ti ahi. A gingtu zawk ziakin a ginglo zawk chu le a thiangotho thei hi. Zia hi thil danglam tak gingtu pakhat in ginglotu a kichenpi ziak ah buak zaw leh kilawm, amavang a pahi'u beplo a chateu le thiangotho dan ah ki gen pen hi, Pathian ah thagau mi tak te panlakna ziak hithei bep ding dan ahi. Khristian ka hi sakzaw nak di phawt leh ti ah ginglotu Pawsal leh Zi ah nei chu thil lau um ahidan chang 16na'n ei hil hi.

Kikhen chun, kuama nei kitlo ding; nei kit ding ahi chun angai ma i ki chenpisa zawk chu nei kit maizaw ding ah ziltilna chu ahi.

Ko ah umlai gual ah um pek ding: Zi-leh-Cha innsung mite kikhenpi ngam khawp hial ah Pathian ah kipakna thak ka nei hi ti ah panlak thut ziang chu apha diak khel puai, ti ei ziltilna gual ahi.

Khawvel tawp vak di ei tai, ti ah Inn-leh-Lou, Zi-leh-Cha gelkhawklo ding ti hi thil lau um tak ahi. Chun, Paula ziang le zia thu pen tak in chu a ziltıl dan hi a dik bukim zolo deu chu ahi mai hi. Jesu hung vak ding ah ginchak ziaka kikhuallo ah Zi-leh-Cha leh Inn-leh-Lou gelkhawk lo ding chu ngaidan phapen ah hilo ahi.

Paula hi Zi nei kha ahem ti hi gelkham ting chu ahi. Paul hi Rabbi chu ahi zia dinmun chu Zinei ngei te ahi zek uh ahi. Chun, Sanherin member ahina (Ns. 26:10) hile Zinei ngei te dinmun ahi. CHuti hitaleh, Paul chu Zi ala nei khasa, a Zi nu chun a thisan ahi em? ahiloleh, ahung pianthak phat ah a Zi chun a zamsan le ahi maithei hi.

Kichenna hi Nam-leh-Gam siamphatna dinga kipatna bulpi(foundation) phatak ahidan genkhawm hileh..

Zillai - 5

**Thupi : Kross apat thupha Korinth mite leh
kingaitawmna suan um**

Bible Simdi : 1:18-2:5

Changvawp : 1:29,30.

Judate dinga kilikna(kipalpaina) Greek te dinga ngawlina(1:18-25). Greek mipil tak Pi-leh-Pu chawndan ngaina ka hi kiti te leh Juda mi sakhuana kulmut ka hi kiti te dingin Kross chanchin, khristian ziltılna thugil chu thil ngawlhuai leh zapi um in a gel uh ahi. Mihing thiamna leh pilna te hi bangma lo mai ahi dan leh Pathian lopina go luana dinga kingaitawmna a poimaw dan suklatna dingin(Isai 29:14;33:18) te hi a mangcha ahi. Eima mihing te hi bangma lo ah kigel theina apat chun Pathian pawmlut theina lampi dik umsun chu ahung umthei bep ahi. Khristian ziltılna sermon masapente (Ns. 2:14-15; 3:12-26; 4:8-12; 10: 36-43) apat imu thei te chu :-

- i).Pathian hun tiام chu ahungtung tai,
- ii). Jesu hinkhua leh a thidan chun a thawkitna thu hi taklat zing ahi.
- iii). Lal Jesu chunga thiltung zosia hi thiamgau te thupuan bukimna ahi vek hi,

- iv). Kingang taka gitlo simna ding leh thagau thiango thilpiak te chu chang ding tite hi mu ahi.

A. Judate dinga kipalpukna ahina ziak chu pani ahithei hi.

i). Kross chunga mualpho taka natna tincheng thuak ah thipa chu Messiah(Pathian sathaunu) kigenpa chu hi theilo ding ahi.

Amau(Judate) sakhuza ziltılna ah chun thing lek ah khaikan pa chu Pathian hanselaw in a kawi mai sek ui(Deut. 21:23) Isaiah 53 i sim leh Judate chu Messiah chun genthei tincheng a thawk ding chu thil pawmthiam haksi a ting hi. Kross ziak tak-tak ahi, judaten Lal Jesu ala pawm thiam theilon a ziak uh chu-Messiah in a thawk ding

dante Isai 53 in genlawk maleh a lopi lam bep thilzing judeate dingin ginchak haks ahi ziakin ginna lam ah kipalpukna ahita ahi.

ii). Judaten a khang ua a kineppi pen uh leh a duthusam pen uh chu sanakhang Pathian in a guat piak ding chu ahi. Zia phat chuleh Judate chu bangkim ah nuamsa ta di, namtin chunga vahawm ta di, zia hun chu Pathian sathau nu-Messiah vahawmna hun chu hidi ti hi a gel dan uh ahi. Korinth Kochuam sawlchak Pual in lekha a thawt hunlai inle thilmak bawl thei Pathian matchak ka hi ti ah kipuang puitu khenkhat ala um vi. A.D 45 in Theudas kiti khat in mi sang tamtak nungzui ah siam in "Jordan lui ka thupiak in kangtan intin, leihul chung ah lamzawt sak ding ka hi" ti ah thupuang thiamgau lem ala um hi. Zia gual ma chun, A.D 54 in Aigupta apat Jawlnei lopi ah kipuang nungzui singthum vel neizo khat in, Olive tang chung apat in, ka thupiak in, Jerusalem kulbang chu chimtha ding ahi ti ah ala kitiam ngam jawlnei lem ala um kit hi. Zia tawh bang ah thilmak lopi tunsak thei chu ahi, juda ten ala duthusam uh leh ala kineppi pen uh chuh. Kingaitawmna tawh mualphona Pathian gam kekletna kross vang mit tet sang talua, judeate di'n kipukna ahi ta ahi.

Judaten teptena in, Greek ten pilna in Pathian a hawlchiat ua, maleh i taklat sa gualin kuama zawk sam chu lawting a um puau hi. Juate chun thilmak lopitak bawlthei chu Hukdampa dinga pawm thiam cho dingin a um ua, Greek te chun Pilna, thiamna apat Pathian kingaitawmna tawpkhawk, kross ah thina thu hi a pawmthiam theilo uh Pathian simmaw na gual ah ale gelzawk uh chu ahi.

Kingaitawmna suan um (26-31) :- Mualphona apat lopina ti ah le a hithei hi. "Unau te haw, ahun kona hi ngaitua tiam un, taksa lam ah mipil, mi thil hithei leh mi lopite ko ahilo dan uh hi" Pathian chanchinpha puanzakna taphawt in gingtu masate hi mi genthei leh nuainung lamte ala hisek ah, nam niamte chun namsang za-um te sangin chanchinpha hi ala dawng masa sek ua.

II. A panina chun, khristian chu zalen mama himaleh man ah chawksa, a neitu khrista chu umta ahiziakin, ama utdan sangin ama sang ah thuneitu, aneitu pa khrista lunglam leh lopina ding ah chun a ki mangcha zaw ding ahidan a taklang hi.

Zillai - 12.

Thupi : Kichenna thu
Bible Simdi : 1Kor. 7:1-9.
Changvawp : 1Kor. 7:3.

Korinth Bung 7-15 sung ah hin Paul in a buaipi diak thukhawk te chu aban-ban in zil ding i hiu hi. Zia thukhawk te chu Korinth Kochuam te chun Paula a dawt uh ama Paul in Pathian thu dungzui ah a hilchian te chu ahiu hi. Bung 7 na hi kichenna chungchang ah Korinth mite dawtna a dawnhuna chu ahi. Zia te chu :-

-Chang 1 leh 2na : Khristian te chun kichenna hi a bawllo ding ti thu ah hilna(advice)..

-Chang 3-7na : Kichengsa te le Numei-Pawsal lupkhawmlo di ti thu ah a dawnhuna..

-Chang 8-9na : Meithai leh Pagongte um didan..

-Chang 10-11na : Nupan kikhen hen, ati teu thu ah hilna..

-Chang 12-17na : Khristian leh Khristian ala hilo kichengte chu kikhen mai leu ti dawidan ah ziltilda..

-Chang 18-24na : Bang gual dinmun ah le, khristian te um di dan..

-Chang 25-35na : Kicheng nailo te um didan Paul in a vak genpiak hi vak et in, Paul ngaidan in Lal Jesu chu hung kit vak ding ah a ginchak ziakin, kichenna hi buaipi lo di'n a ziltilda. Himaleh, Lal Jesu chu tuni tiang in a hung nailo ahi. Khawvel tawp(second coming) thu hi, pkianthakna tawh piangkhawm sek ngaidan chu ahi(Ch. 39-40).

Zillai - 11.

**Thupi : Taksa chu Pathian chawihawina ding ahidan leh
Numei leh Pawsal thanhuaina a khawk dan.**

Bible Simdi : 1Kor. 6:12-20.

Changvawp : 1Kor. 6:19,20.

Grik mipilte thugosia khat chun taksa pumpi hi, Thankhuk(Tomb) ten-um tak tawh a tekhin uh ahi. Epictus, "Keima hi mi genthei thiluang in a tuam chu ka hi" atia. "Taksa pumpi kidak um, ten-um tak chu ahin, gelkhawk zawk ding chu thagau ahi. Taksa chu a nawp dandan in um leh le thagau a subuak pha puai" atiu ahi. Zia gual ngaidan hawilo dawnhuna ding tu i Zillai hi ahi. Paul in khristian te chu mi zosia lak ah zalen pen ahina thu a sermon sek te chu le a hilo lam in ala gel ziakun ahi. Ann chu gilpi a ding ahi chun, gilpi chule Ann a ding ahi. Chutichun, taksa chule a hukna tawh khen theilo ahi gual in a nawp dandan in um mai hen, ti ngaidan lau um tak chu a dawnhuna chu ahi. Paul chun, Gilpi leh Ann chu mangthai lo ding ahi. Pathian in a tatdaw sa chu mangthai lo ding ahi. Pathian in a tatdawsa chu mangthai lo ding ahi. Numei leh Pawsal lupkhawmna chu pumkhat in a siam hi. Genesis 2:24, Lupkhawmna apat in pumkhatna a um hi. Khrista taksa chu nawchizuak khat a luppi ziak in, khrista taksa chung ah chun thil nasatak ahikhial ahi ati mai hi. Khrista in a nei taksa chu nawchizuak te kiang ah pedawk gual in zawnthanhuai hi Paul in ei ziltil ahi. Chun, a gen belap zelna ah chun, khrista chun miham te hi a thagau bep a hukdam hilo in a taksa pumpi leh a hina zosia le a hukdam ahi dan a gen Ual ahi.

Thil pani a gen belap naklai te taklang hiti :-

- I. Pau in zalen pen bangkim hithei ahidan agen ah, maleh zia zalenna chun bangma suak in kisiam sak puang ka ati ahi.

Khristian zalenna chu gitlona bawlina ding ah zalenna hilo in gitlona bawllo ding ah zalenna ahi zawi ati ahi.

A ziak bang ata diam? Paul gendan in chu Pathian chindan in a gen ah, maleh thukzaw sem ah vak sui in, Ch. 15-17. Pathian hepina thilthawn piak leh mi pakhat sukkhialna hung um tawh kibanglo, ti umzia chu Pathian thilthawn piak Jesu khrist ziaka thiamchanna chu khawvel mi zoisa sukkhialna ziaka hung um ahin, ahinla thiamlo chansakna vai-hawmna (Pathianin Adam hansia a law ah, a vaihawm khumna) bou chu ama Adam ziak bep ah hung um pan ahin, a kibang puai ati ahi.

Ch. 18-19. Mi pakhat ziaka mi zosia gilo leh mi pakhat ziaka midik ah ngai, ati chu mihing lui palai Adam thu awilona ziaka mi zosia mi gitlo changa thina gam ah puitl ahi gual ua, khrista thu awina ziakin gitlona apat thiamchanna hung um in kumtuang hinna gam ah puitl ahi thu a gen ahi. Adam a chun mi zosia gilou in thina'n a vaihawm khum ah, khrista a chun mi zosia ahing kit in kumtuang hinna a nei tau ati ahi.

Ch. 21. Hepina'n, Jesu khrist dikna'n vaihawm, ati chu gitlona nasep tawpna kha thina ahia, ahinla hepina nasep chu mi gilote midik ah ngai ahia, a ga chu kumtuang hinna ahi. Zia hepina chu Jesu khrist in mi gitlo mangthai dingte a hepina kha ahi ati ahi.

Tuni zildaw te :-

1. Pathian tawh kichamna a pawimaw dan.
2. Gingtute nawpna leh haksatna mun a le kipak dingte i hi dan uh ei kawkmu.

Zillai - 6**Thupi : Paul chu a kisuanglel hi****Bible Simdi : 2:1-9****Changvawp : 2:9.**

Paul in khawvel pilna mihing thuak pilna leh lekhat thiamna kisuandi ah ei ma lam ah pang ding mi siam ah(Political party bawl dan ah Pathian thu puanzaka phatlo dan taklatna di'n) ama Pathian nasep a gen hi. 'Hatlo leh NASA taka kithing pum in' ati ahi. Hilchian tu khenkhat ginchak dan in Paul in Athen khawpi khawvel pilna mangcha Pathian thu a puanzak(Ns. 17:30,31) hi a lawsap ziakin Korinth Kochuam ah a thugen dan a san danglam hi ding in a gingcha'u hi. Amavang hilchiantu khenkhat in Athen khawpi Areopagus mun ah thuak pilna(Philosophy) mangcha a Pathian thugen hi alai mugil chu kross ahitho ziakin a thu ngaitha te dinmun dungzui in a sermon a sudanglam thei ah, zia chu Paul a pachat um na hilo ding ahem? ti pawl a um kit ui. Chun Areopagus mun ah Paul sermon hi a lawsam zo kei ahilo danle(Ns. 17:34) ah muthei ahi kit tho hi. Chanchinpha hi a puan ah puandaw ding ahi. Thuak pilna matchak guat ah suidik guat di ei puai. Lal Jesu leh a chanchinpha hi mawl taka kingaitawm tak ah sermon bawl zawk didan ei hil hi. Gentham guatna leh gen melphat tupna lam ah sermon gen buai zota a umsek hi. Khawvel pilna mangcha Pathian thu sermon sangin lungthim ah kingaitawm leh kisuanglel tak kawm ah thinlung ah hepina chawtho leh sukhal a poimaw zaw mama hi kingaitawmna suan um chu thagau lam ah lawtinna ahi. Khawpi lopi tak ah Pathian thu puanzak dingin lut ahi, lauthawn na nei intin, kisit mama ding ahi(Ns. 18:9,10).

Tuma sang ah a kisuandi leh a dinmun lipthak ahita, A lipthak piak pa khrista leh a kriss cho chu a kingakna ahita ahi. A kisuangla ah maleh ahat ahi, a huphul khawp mai ah maleh genkal a ngakla mama hi.

Zillai - 10.**Thupi :****Ginglote thutanna(Court) ah gingtute va kiheklo ding****Bible Simdi : 1Kor. 6:1-11.****Changvawp : 1Kor. 6:7.**

(Exo. 21:1) hi Rabbi te hilchian dan ah chun, Israel te chu namdang(pawlmi) thutanna ah vak kihek a phallo ahi. Zia gual ma chun Paula inle khristian te chu ginglotu te thutanna(Court) ah va kihekna a ti pen hi thilsukkhialna liantak i tite(Tualthana) (Criminal Law) lampang sangin Golua thu ah gam vaipuakna Govt. Court ah kiheksang in la lak ua, chamna thu genthei ding la um puau ah ahem? ati hial hi.

Khawvel leh Vansawlchak te vahawmna piak di i hiu hi :- Ei uh gingtute sung ah thubuai nei ah kihektua zing ding in ei phallo zen ah. Aziak chu gingtute chu Pathian in gingtute hi dinmun sangtak ah um dinga huallawk tunung leh khawvel leh vansawlchak te chung ah vahawm leh thutan dinga a belguat lopitak chu i hidan ei hil hi.

Thilphalo a taklat khenkhat (ch. 9,10) ah "Mithanghuai, Milim hote, Angkawm te, Mihuk te, Guchate, Huaihapte, Vau mangte leh Misuamte chun Pathian gamlua lo ding" ahi dan uh a hilchian hi. Zia thilphalo a gente lak ah vak hilchian belap thei chu mihuk te ati hi, Pawsal-leh-Pawsal kicheng, Numei-leh-Numei kicheng a tina dan ahi. Vau mangte ati hi mi phunchiak hat mi pakcha nuamlo a tina in gel hiti.

(iii). **Milim hona** : Milim hona ati in a huap thei te chu, Ai-san, khutlam et, zanmang hilchian leh Aksi-zawl etna(Horoscope) i ti te le a huam vek hi. Pathian innkuan kochuam chu zia gual thil ginna taksap etsakna thilte hi a bawl lo ding uh ahi. ‘Pawlam mite’ ati hi ginglote a tina ahi. Zia i taklat Pathum te tilo in ‘Mihuaihap’ mi lepguk hat, zudawn mi, mi phunchiak iti hile gingtu te bawl ding ahilo dan ei hil hi. Zawntat, Thanghuaina hi Kochuam in ngaineplo hial in thununna piak ngei ding ahidan tuchung i zillai apat in mu ahi.

Thu hangsan taka kisuanlana nei ngai himhim lo ah gen sangin lungthim ah kisuangla zing kawm ah eima hatlo dante he zing kawm ah thugen chun ngaithatu te lungthim a zo zaw sek hi. pathian thu lopitak ah puangdawk sek te hi mi kingainiam leh kisuanglel te ahizaw sek ui. Pathian apat pilna chu thagau nasepna ziak bep ah neithei ahi. Eima lampang (Party siamna) Kochuam ah chun Pathian apat pilna chu atung ngaiseklo ahi. Pathian apat pilna chu a mantam dan chu a kiselgu gual in a gen ah ‘Thuguk’ gual ah gen in, ama gingtute sudet tu ahina lopitak le mu ahi.

‘Zia khawvel vaihawmtu te’ (Ruler of the ages) zia hi (Ns. 13:17) gual in Pilat, Herod, Kaiapha leh Sanhedrin te a genna le ahi thei hi. Maleh hilchiantu khenkhat(Wph. 2:2) a gen hi hizaw di’n gelpawl a um ui(Eph. 3:10, 6:11,12). Khrista lopina helo in vai ahawm ui ti a gingcha ahi. I changvawp chang 9na hi a kibatpi Bible chang muzaw ahi pua, Apokrispa lam ah um ahi maihei hi. A ki naipi deu pen chu Isaiah 64:4 hi ahi mai hi.

Zillai - 7.

Thupi : Pilna dik leh diklo(Thagau thil chu thagau mie kiang ah).

Bible Simdi : 1Kor. 2:10-3:4.

Changvawp : 1Kor. 2:16.

I. Gingtute khanlet zel dingdan a genzawm zel ah. Thagau in bangkim a hiatsak ti hilo in, a suidawk sek, ahawl dawk sek a tizaw ahi. Rom 8:27 leh Sam 139 tawh a kimil hi. Thagau gam genchianna di'n thagau chithum(3) a gen ah : (i). Mihing thagau, (ii) Khawvel thagau leh (iii). Pathian thagau. Mihing thagau chu ama bep in a hiat gual in, Pathian thagau(lungthim) chu le ama bep in ahi, maleh zia thagau chu ei piak tak ziakin, Pathian thagau leh a dawidan i hiatchian thei ahi. Khawvel thagau chun Pathian a ban phapua, Pathian thagau thupuan te a hepha ngai puai. Ziaziakahin, thagau mi diktauk chun Pathian lungthim a kikawppi sek in, bangkim hethiam in gitlona tilo ngal chu thiam takin a mangcha thei hi. Pathian thugil tak te leh a dang dang te chu Pathian chawihawina'n a mang sek hi.

II. Khawvel mi(Psukhikos) leh thagau mi (Pnewmatikos) a tite hilchian leh genchian haksa chu ahi. Khawvel mi a tite hi (Eph. 4:22, Jakob 3:15, Juda :19) a gente hi ahi thei ui. Khawvel mi chun zia khawvel damsung khel hi a ngaitua pha puau hi. Khawvel hausakna leh nawpsakna chu dampi pen ah neite chun kiphala leh kisumna him neilo in huaihap takin hinkhua a mang sek ui. Zia gual mite chu khawvel ah piang in, khawvel ah khaws'a'n, khawvel ah tawp sekte ahiu ah, amau haw din Pathian thagau lam thute chu ngawlhuai ahung hisek ah. Pathian ngainatna nei maleu amau leh amau a kikhawtuana chun thagau lam gapha sua thei ding khawp in a kiphal zo sek puau hi. Zia tawh bang te chu khawvel mi chu ahiu hi.

thiangtho tak in Kut bawl hitiu, ti'n a chial hi. Thawi neucha'n Bel ah um zosia a zelsuak ah, Zu ahisak gual in Thawi neucha gual Kochuam lak ah gitlona um chun Kochuam pumpi a subuak in a su pawlche thei hi. Zia haw ziakin gitlona chu Kochuam apat lakdaw ah paimang ding thu a tangkopi hi. Thununna chu Kochuam gelkhawna ziak ah hi ding ahi. Kochuam ah thanhuaina leh zawntatna leh gitlona huaisia tak tak te hi kimulo sak ding hilo in, Kochuam apat lakdaw ah kawimang ahilo chun, Kochuam pumpi a su bawllaw in a subuak thei hi. Thununna in a tup tak chu a gilote chu siamphatna ding ahi pen hi.

"Ka lekha ah khan" (5:9) ah ati hi, zia lekha a thawt masang in lekhathawt dang anei hi tina ahi. Korinth thawtkhatna i ti hi thawtnina ala hizaw thei hi. Zia a lekhathawt masazawk ah chun gingtute chu gitlona lak ah kikawi thiangtho di'n ahil ah, zia a lekhathawt masa chu kichian tak ah muzaw ah hita pua, Bible thiamte chun (2Kor. 6:14-7:1) hi a lekhathawt masapen chu hiding in a gingcha khawp mai ui. (Thumapui le en in) Gingtute kikawi kangna ding gitlona pathum a gente chu :-

(i). **Tat thanghuaina/Zawntatna** i ti hi Numei-Pawsal kipawlina kipumkhatna sangpen ah gel ahi. Zia mang diklo chun mihing chung beplo in Pathian chung ah le thil gilo bawl ahidan ei gen hi. Gancha gual ah gamtat thei ahipua, Pathian chate i hi ziak un, Pathian lunglam ah Numei-Pawsal kipawlina hi nupan kal chou ah mat thiangtho ding ahi.

(ii). **Du-am leh lepgukna** : Zia hi mihing lungthim i pianpi a umsa chu ahi. Maleh chanchinpha chun eima sanga midang phatna ding ngaitua masa zaw sek di'n ei ziltil ahi. Pathian lungthim putdan i et leh nei belap zel sangin piakdaw tamzawk hi a tup lianpen ahi zing hi. Eima chou ki gelkhawna chun midang chung ah thilkhawk tak atut sek in, zia chu Pathian dawidan ahilo ahi.

Zillai - 9.

Thupi : Zawntat leh Thanghuai zilngaina

Bible Simdi : 1Kor. 5:1-13.

Changvawp : 1Kor. 5:7.

Korinth khua Kochuam te chu zawn thanhuaina khawpi ah khawsia ahlu in, zia hunlai khawvel ah khristian hi nailo te chu zawn thanhuaina dim in, Numei-leh-Pawsal kal ah thianthona ti him him a hepha puau hi. Korinth ah gingtute chu thanhuaina khawvel in a up kimvel ahiziakin, kilat thiantho ding chu khristian te a dingin a poimaw masapen ahung hita ahi. Zawn thanhuaina chu khristian te dingin damsung dai di'n mangpha thakna a ngai ta ahi. Korinth Kochuam ah chun Nuthak luppi le a um ua, zia gual chindan phalo hi Juda dan inle a phalpua(Levi. 18:8). Zia tak ah Apa-Zi ati hi, a Nuthak, apa'n a thisan, zia chu a chapa'n a kichenpi tina ahi thei hi. A bang chu hileh, gิงlo ten le a ngaithiam keilo uh chu khristian te um didan hilo kei ahi thu ahil hi. Zia tak ah 'Lungngaipi' ti hi, mithi sunna paukam ahi. Paul in zawn thanhuaina chu a lungngaipi takzet in mithi suun gual in a lungngaipi zo ahi. Gitlona ngainep hi manthaina tawh ki naicha gual ahi. Gitlona ziakin khrista thi khawlaw ahia, gitlona apat i suachatna dinga thina huaisia thuak ah thokit ahi ziakin gitlona chu ngainep ah thathawt thei thil ahilo ahi.

Paul thutanna chu Setan kianga piakdaw ding ti ahia. Zia chu thununna ahem, Nawsua(Ex-Comminucate) i ti hi ahi. Kochuam sunga thununna i ti hi ahung kipatna le hi ding ahi. 'Thununna' i ti hi gawtna leh engbawlna gual ah bawl lo ding. Thununna i piak te chu ahung lunghei ua, kisikna chun nei ua, a thagau uh hukdam ahung hina ding uh a tuplianpen ahi ding ahi.

Zu huanna ah **Chawl/Thawi** iti hi Juate tekhinna ah chun gitlona'n thil a bawlsiat thei dan leh a huaplian thei dan tekhinna mat ahi sek ah. Zia tak ah Chiakan Kut na Vaithum chu Thawi panglo ah siam ahi gualin gitlona sukbuai theilo in khrist ah gitlona panglo in

Thagau mi = Thagau mi chun zia khawvel hinkhua sang ah phazaw thagau hinkhua a um hi ti hechian in.

Zia thagau hinkhua chu gelhawk in Pathian kipakna di'n lungthim te siampha'n hindan leh thil bangkim hi hechian in a hekhen thei zel hi. Isaiah chun, kuama dawnhu theilo ding dawtna a bawl ah (Isaiah 40:13, 14) Paula inle Lalpa lungthim kuama'n a hiatlo dan a gen a (Rom 11:34). Zia Bible chang ahin dawnhuna a hoithei pen ah dawnhuna di'n "Ei un vang Lalpa lungthim i pu'u ahi" tin azo hi.

III. Ki-itsikna, kinakna leh kiheknate hi khawvel mi hina taklatna ahidan a genzawm zel hi(3:1-4). Thagau mite kianga thugen gual in la kiang ua Pathian thuhil thei la hi nai puau hi. Lawichuam siamna, kibawl chuamna, kiheksiatna te zosia hi khawvel mi Kochuam sunga um ngal te suklatna ahi dan a gen hi. "Bugum hilo Nawitui ah vak" ti hi (Heb. 6:1). Gingthak te dinga thagau lam Nawitui bangma tawh hel lo ama maw hi.

(1 Pet. 2:2) Zia khrista chanchin tangpi a kross thu ngei chu hi ahi. Bugum ati chu, Thugin te leh Kochuam ki-ekawl dan tangpi leh midang te dinga Pathian nasepna i neite haw hi ahi thei hi. A bullam ah i thukhenna korinth Kochuam te a pitinlo na'u leh a naupan huaina thu lawm sunga i khum ahi dante kha vak geldaw kit pha ding ahi.

Zillai - 8.**Thupi : Pathian nasep pi te et di dan****Bible Simdi : 1Kor. 3:5-4:21.****Changvawp : 1Kor. 3:16, 17.**

Pathian nasemtu te leh a nasep dan uh hilchian theina'n :

I. Huan enkawl tekhinna : Huan ah Thai phupa leh Tuibuak pa chu a kisuang thei zaw ding a um puau ah. Dinmun kibang ahiu hi, pachat zawk diak ding ahi. Kochuam nasepna chi chuam chuam te hi Pathian et in a letdan kibang chiat ana semtu sepdan zawk chu Pathian in a ngai poimaw zawk chu ahi.

II. Innsak te tekhin thu : Paula chun innsatu thiamtak gual in a ki tekhin hi. Pathian thu awi masate chu suangphum phumtu gual in a ki gen ah, a suangphum chu Jesu khrista ahi ti in. Mundang ah Kochuam phudawk masate chu Suangphum tu gual in a gen hi. (Eph. 2:20) Maleh zia chunle khrista a kil ah suang poimaw pen in a gen tho hi, innsakna matchak te chu etchian hin tin, a et chianna ding mai hi ding ahi. Kangtum thei leh kangtum theilo chu a chetna poimaw chu ahi.

III. Asak dan un, chingthei chiat un : Pathian thu hun pawl lutte chu a suangphum tu te hita leu, Kochuam enkawl zingte chu inn satu chu ahiu hi. Kochuam enkawltu Pastor leh Upa te haw chu chingthei takin um uh hen tina ahi.

IV. Temple thak(Ch. 16,17) : Inn satu/Kochuam enkawltu te chit thei dingdan a gen apat in Kochuam thu thagau thiango chenna Pathian Temple ahi ati tawp hi. 1 Pet. 2:5 tawh a kimil hi. Ziaziakachun, Kochuam sukek leh kikhenzak sak ahi. Kikhenna leh kihuatna ah chun Pathian thagau in nasem theilo ahi. Kochuam su lopipen chu a member te kipumkhatna leh ki hepituna hi ahi. Pathian in chu a thiango ah zia in chu ei uh a Kochuam te i hiu hi. Kochuam nasemtu et et didan ahin, nasemtu dinmun thil pani gelthei ahi :-

(i). Kochuam mite hi nasemtu te a ding ahi puai. Nasemtu te chu Kochuam a ding ahi zaw ahi.

(ii). Nasemtu te mawpuakna khrista a kotupa kianga ahi zaw ahi. Kochuam miten etdan ah tingzo leh tingzolo ti ah kinga ahi puai.

V. Pilna leh ngawlina (Ch. 18-20) : Kochuam subuai sek khat chu pil kisakna hi ahi. Pathian pilna bep hi a suan tak pen hi. (Job. 5:15 leh Sam 94:11) Frik thupil khat chun, "Thil helo ngal, helo a hilam kihelo chu mingawl ahi, pumpe in. Thil helo ngal, helo ahi ti kihe te chu ahileh mipil ahiu in, zilsak in" ala tia. Zia gual dan ah chun Paul in a gen ahi.

VI. Bangkim nang ah ahi : Nasemtu Paula, Kipha leh Appolo te ala hi puau in, amau haw chu nang uh a ahi zawi. Kochuam chu mimal thuneina ah phudaw leh tundin hi a diklo ahi. Pathian ah kinga lo ah lawi upa te Pathian sanga suan zawk khak ding chu a diklo thil ahi. Kochuam nasemtu te bep neilo in Kochuam chun thil bangkim neitu ahizaw ahi.

VII. Khrista nasemtu leh Pathian thuguk enkawltu (4:1) : Zia nasemtu ti hi 'Deacon' hina lam ahi. A umzia chu Lawng hektu khrista ahi, a nuailam ah Lawng zap ding a suak a hendet uh Lawng zap ah gimtak ah a gawi sek teu chu ahi. 'Enkawltu' ti hi tulai 'Manager' iti te gual hi ahi. Zia dinmun tunna di'n mi ginum a ngai hi.

VIII. Ei enchianpa chu Pathian ahi (Ch. 4) : Mite ei tena leh etchianna chu keima ka tena phapen in ka kawi pua. Chun, kei-leh-kei ka ki etchianna chule, tena phapen in kagel diak puai. Ei enchianpa leh ei tepa diktak chu Pathian ahi zawi ati ahi.

IX. Pathian gam chu thu mai ah umlo in thil hitheina ah umzaw (Ch. 20) : Genthaw maile hilo umchan leh hindan ah le danglamna gasua kipak umtak mite zalzaw thei ding tina ahi.